



解深密經卷第一

大唐三藏法師玄奘奉

詔譯 盖

序品第一

如是我聞一時薄伽梵住寂勝光曜
 七寶莊嚴放大光明普照一切無邊
 世界无量方所妙饒開列周圍無際
 其量難測超過三界所行之處勝出
 世間善根所起寂極自在淨識為相
 如來所都諸大菩薩眾所雲集无量
 天龍藥叉健達縛阿素洛羯路茶緊捺洛法味
 喜樂所持作諸眾生一切義利滅諸
 煩惱灾橫經垢遠離眾魔過諸莊嚴
 如來莊嚴之所依處大念慧行為
 遊路大止妙觀以為所乘大空無相
 無願解脫為所入門无量功德眾所
 莊嚴大寶花王眾所建立大宮殿中
 是薄伽梵寂清淨覺不二現行趣無
 相法住於佛住速得一切佛平等性
 到無障處不可轉法所行無尋其所
 安立不可思議遊於三世平等法性
 其身流布一切世界於一切法智无
 疑滯於一切行成就大覺於諸法智

解深密經卷第一 第二品 盖字十

無有疑惑凡所現身不可分別一切
 菩薩正所求智得佛无二住勝彼岸
 不相間雜如來解脫妙智究竟證無
 中邊佛地平等極於法界盡虛空性
 窮未來際與無量大聲聞眾俱一切
 調順皆是佛子心善解脫慧善解脫
 戒善清淨趣求法樂多聞聞持其聞
 積集善思所思善說所說善作所作
 捷慧速慧利慧出慧勝决擇慧大慧
 廣慧及无等慧慧寶成就具足三明
 速得一切現法樂住大淨福田威儀
 寂靜無不圓滿大忍柔順无减已善奉行
 如來聖教

復有無量菩薩摩訶薩從種種佛土
 而來集會皆住大乘遊大乘法於諸
 眾其心平等離諸分別及不分別
 種種分別摧伏一切眾魔怨敵遠離
 一切聲聞獨覺所有作意廣大法味
 喜樂所持超五怖畏一向趣入不退
 轉地息一切眾一切苦惱所逼迫地
 而現在前其名曰解甚深密意菩薩
 摩訶薩如理請問菩薩摩訶薩廣慧菩薩摩訶薩德
 本菩薩摩訶薩勝義生菩薩摩訶薩法涌菩薩摩訶薩善清

解深密經卷第一 第三張 蓋字號

淨慧菩薩摩訶薩慈氏菩薩摩訶薩觀自在菩薩摩訶薩曼殊室利菩薩摩訶薩而為上首解深密經勝義諦相品第二

尔時如理請問菩薩摩訶薩問解甚深義密意菩薩言取勝子言一切法无二一切法無二者何等一切法云何為無二解甚深義密意菩薩告如理請問菩薩曰善男子一切法者略有二種一者有為二者无為是中有為非有為非無為无為亦非無為非有為如理請問菩薩復問解甚深義密意菩薩言取勝子如何有為非有為非無為无為亦非無為非有為解甚深義密意菩薩謂如理請問菩薩曰善男子言有為者乃是本師假施設句若是本師假施設句即是遍計所集言辭所說若是遍計所集言辭所說即是究竟種種遍計言辭所說不成實故非是有為善男子言无為者亦墮言辭施設離有為无為少有所說其相亦亦然非無事而有所說何等為事謂諸聖者以聖智聖見離名言故現等正覺即於如是離言法性為欲令他現等覺故假立名想謂之有為善男子言无為者亦是本師假施設句若是本師假施設

解深密經卷第一 第四張 蓋字號

句即是遍計所集言辭所說若是遍計所集言辭所說即是究竟種種遍計言辭所說不成實故非是無為善男子言有為者亦墮言辭施設无為有為少有所說其相亦亦然非無事而有所說何等為事謂諸聖者以聖智聖見離名言故現等正覺即於如是離言法性為欲令他現等覺故假立名想謂之无為尔時如理請問菩薩摩訶薩復問解甚深義密意菩薩摩訶薩言取勝子如何此事彼諸聖者以聖智聖見離名言故現等正覺即於如是離言法性為欲令他現等覺故假立名想或謂有為或謂无為解甚深義密意菩薩謂如理請問菩薩曰善男子如善幻師或彼弟子住四衢道積集瓦礫草葉木等現作種種幻化事業所謂象身馬身車身步身末尼真珠琉璃螺貝璧玉珊瑚種種財穀庫藏等身若諸眾生愚癡頑鈍惡慧種類無所曉知於瓦礫草葉木等上諸幻化事見已聞已作如是念此所見者實有象身實有馬身車身步身末尼真珠琉璃螺貝璧玉珊瑚種種財穀庫藏身等如其所見如其所聞堅固執着隨起言說惟此

解深密經卷第一 第五張 蓋字號

諦實餘皆愚妄彼於後時應更觀察若有眾生非愚非鈍善慧種類有所曉知於瓦礫草葉木等上諸幻化事見已聞已作如是念此所見者無實象身无實馬身車身步身末尼真珠琉璃螺貝璧玉珊瑚種種財穀庫藏等身然有幻狀迷惑眼事於中發起大象身想或大象身老別之想乃至發起種種財穀庫藏等想或彼種類差別之想不如所見不如所聞堅固執着隨起言說惟此諦實餘皆愚妄為欲表知如是義故亦於此中隨起言說彼於後時不須觀察如是若有眾生是愚夫類是異生類未得諸聖出世間慧於一切法離言法性不能了知彼於一切有為无為見已聞已作如是念此所得者決定實有有為無為如其所見如其所聞堅固執着隨起言說惟此諦實餘皆愚妄彼於後時應更觀察若有眾生非愚夫類已見聖諦已得諸聖出世間慧於一切法離言法性如實了知彼於一切有為无為見已聞已作如是念此所

得者決定無實有為无為然有分別
所起行相猶如幻事迷惑覺慧於中
發起為無為想或為无為差別之想
不如所見不如所聞堅固執著隨起
言說惟此諦實餘皆癡妄為欲表知
如是義故亦於中隨起言說彼於後
時不須觀察如是善男子彼諸聖者
於此事中以聖智聖見離名言故現
等正覺即於如是離言法性為欲令
他現等覺故假立名想謂之有為謂
之无為尔時解甚深義密意菩薩欲
重宣此義而說頌曰
佛說離言無二義 甚深非愚之所行
愚夫於此癡所惑 樂著二依言戲論
彼惑不定惑邪定 流轉極長生死苦
復違如是正智論 當生牛羊等類中
尔時法涌菩薩白佛言世尊從此東
方過七十二殍伽河沙等世界有世
界名具大名稱是中如來号廣大名
稱我於先日從彼佛土發來至此我
於彼佛土曾見一處有七万七千外
道并其師首同一會坐為思諸法勝
義諦相彼共思議稱量觀察遍推求

時於一切法勝義諦相竟不能得唯
除種種意解別異意解變異意解不
相違背共興諍論口出矛積更相積
已刺已惱已壞已各各離散世尊我
於尔時竊作是念如來出世甚奇希
有由出世故乃於如是超過一切尋
思所行勝義諦相亦有通達作證可
得說是語已尔時世尊告法涌菩薩
曰善男子如是如是如汝所說我於
超過一切尋思勝義諦相現等正覺
現等覺已為他宣說顯現開解施設
照了何以故我說勝義是諸聖者內
自所證尋思所行是諸異生展轉所
證是故法涌由此道理當知勝義超
過一切尋思境相復次法涌我說勝
義无相所行尋思但行有相境界是
故法涌由此道理當知勝義超過一
切尋思境相復次法涌我說勝義不
可言說尋思但行言說境界是故法
涌由此道理當知勝義超過一切尋
思境相復次法涌我說勝義絕諸表
示尋思但行表示境界是故法涌由
此道理當知勝義超過一切尋思境

相復次法涌我說勝義絕諸諍論尋
思但行諍論境界是故法涌由此道
理當知勝義超過一切尋思境相法
涌當知譬如有入盡其壽量習辛苦
味於蜜石蜜上妙美味不能尋思不
能比度不能信解或於長夜由欲貪
勝解諸欲熾火所燒然故於內除滅
一切色聲香味觸相妙速離樂不能
尋思不能比度不能信解或於長夜
由言說勝解樂著世間綺言說故於
內寂靜聖默然樂不能尋思不能比
度不能信解或於長夜由見聞覺知
表示勝解樂著世間諸表示故於永
除斷一切表示薩迦耶滅究竟涅槃
不能尋思不能比度不能信解法涌
當知譬如有入於其長夜由有種種
我所攝受諍論勝解樂著世間諸諍
論故於比拘盧洲無我所攝受離
諍論不能尋思不能比度不能信解
如是法涌諸尋思者於超一切尋思
所行勝義諦相不能尋思不能比度
不能信解尔時世尊欲重宣此義而
說頌曰

解深密經卷第一 第九張 蓋字號

內證無相之所行 不可言說絕表示
息諸諍論勝義諦 超過一切尋思相
今時善清淨慧菩薩白佛言世尊甚
奇乃至世尊善說如世尊言勝義諦
相微細甚深超過諸法一異性相難
可通達世尊我即於此曾見一處有
衆菩薩等正修行勝解行地同一會
坐皆共思議勝義諦相與諸行相一
異性相於此會中一類菩薩作如是
言勝義諦相與諸行相都無有異一
類菩薩復作是言非勝義諦相與諸
行相都無有異然勝義諦相與諸行
相有餘菩薩疑惑猶豫復作是言是
諸菩薩誰言諦實誰言虛妄誰如理
行誰不如理或言是言勝義諦相與
諸行相都無有異或言是言勝義諦
相與諸行相世尊我見彼已竊作是
念彼諸善男子愚癡頑鈍不明不善
不如理行於勝義諦微細甚深超過
諸行一異性相不能解了說是語已
今時世尊告善清淨慧菩薩曰善男
子如是如是如汝所說彼諸善男子
愚癡頑鈍不明不善不如理行於勝

解深密經卷第一 第十張 蓋字號

義諦微細甚深超過諸行一異性相
不能解了何以故善清淨慧非於諸
行如是行時名能通達勝義諦相或
於勝義諦而得作證何以故善清淨
慧若勝義諦相與諸行相都無異者
應於今時一切異生皆已見諦又諸
異生皆應已得無上方便安隱涅槃
或應已證阿耨多羅三藐三菩提若
勝義諦相與諸行相一向異者已見
諦者於諸行相應不除遣若不除遣
諸行相者應於相縛不得解脫此見
諦者於諸相縛不解脫故於麤重縛
亦應不脫由於二縛不解脫故已見
諦者應不能得無上方便安隱涅槃
或不應證阿耨多羅三藐三菩提善
清淨慧由於今時非諸異生皆已見
諦非諸異生已能獲得無上方便安
隱涅槃亦非已證阿耨多羅三藐三
菩提是故勝義諦相與諸行相都無
異相不應道理若於此中作如是言
勝義諦相與諸行相都無異者由此
道理當知一切非如理行不如正理
善清淨慧由於今時非見諦者於諸

行相不能除遣然能除遣非見諦者
於諸相縛不能解脫然能解脫非見
諦者於麤重縛不能解脫然能解脫
以於二障能解脫故亦能獲得無上
方便安隱涅槃或有能證阿耨多羅
三藐三菩提是故勝義諦相與諸行
相一向異相不應道理若於此中作
如是言勝義諦相與諸行相一向異
者由此道理當知一切非如理行不
如正理復次善清淨慧若勝義諦相
與諸行相都無異者如諸行相墮雜
染相此勝義諦相亦應如是墮雜染
相善清淨慧若勝義諦相與諸行相
一向異者應非一切行相共相名勝義
諦相善清淨慧由於今時勝義諦相
非墮雜染相諸行共相名勝義諦相
是故勝義諦相與諸行相都無異相
不應道理勝義諦相與諸行相一向異
相不應道理若於此中作如是言勝
義諦相與諸行相都無有異或勝義
諦相與諸行相一向異者由此道理
當知一切非如理行不如正理復次
善清淨慧若勝義諦相與諸行相都

無異者如勝義諦相於諸行相無有差別一切行相亦應如是无有差別修觀行者於諸行中如其所見如其所聞如其所覺如其所知不應後時更求勝義若勝義諦相與諸行相一向異者應非諸行惟无我性惟無自性之所顯現是勝義相又應俱時別相成立謂雜染相及清淨相善清淨慧由於今時一切行相皆有差別非无差別修觀行者於諸行中如其所見如其所聞如其所覺如其所知復於後時更求勝義又即諸行唯无我性唯无自性之所顯現名勝義相又非俱時染淨二相別相成立是故勝義諦相與諸行相都无有異或一向異不應道理若於此中作如是言勝義諦相與諸行相都无有異或一向異者由此道理當知一切非如理行不如正理善清淨慧如螺貝上鮮白色性不易施設與彼螺貝一相異相如螺貝上鮮白色性金上黃色亦復如是如莖篋聲上美妙曲性不易施設與莖篋聲一相異相如黑沉上有

妙香性不易施設與彼黑沉一相異相如胡椒上辛猛利性不易施設與彼胡椒一相異相如胡椒上辛猛利性訶梨淡性亦復如是如蠹羅絲上有柔軟性不易施設與蠹羅絲一相異相如熟酥上所有醍醐不易施設與彼熟酥一相異相又如一切行上無常性一切有漏法上苦性一切法上補特伽羅无我性不易施設與彼行等一相異相又如貪上不寂靜相及雜染相不易施設此與彼貪一相異相如於貪上於瞋癡上當知亦尔如是善清淨慧勝義諦相不可施設與諸行相一相異相善清淨慧我於如是微細極微細甚深極甚深難通達極難通達超過諸法一異性相勝義諦相現正等覺現等覺已為他宣說顯示開解施設照了尔時世尊欲重宣此義而說頌曰
行界勝義相離一異性相 若分別一異彼非如理行 衆生為相縛 及彼麤重縛要勤修止觀 尔乃得解脫
尔時世尊告長老善現曰善現汝於

有情界中知幾有情懷增上慢為增上慢所執持故記別所解汝於有情界中知幾有情離增上慢記別所解尔時長老善現曰佛言世尊我知有情界中少分有情離增上慢記別所解世尊我知有情界中有无量無數不可說有情懷增上慢為增上慢所執持故記別所解世尊我於一時住阿練若大樹林中時有衆多苾芻亦於此林依近我住我見彼諸苾芻於日後分展轉聚集依有所得現觀各說種種相法記別所解於中一類由得蘊故得蘊相故得蘊起故得蘊盡故得蘊滅故得蘊減作證故記別所解如此一類由得蘊故復有一類由得處故復有一類得緣起故當知亦尔復有一類由得食故得食相故得食起故得食盡故得食滅故得食減作證故記別所解復有一類由得諦故得諦相故得諦遍知故得諦永斷故得有一類由得界故得界相故得界種種性故得界非一性故得界滅故得

解深密經卷第一 第十五張 蓋字號

界滅作證故記別所解復有一類由得念住故得念住相故得念住能治所治故得念住修故得念住未生令生故得念住生已堅住不忘倍修增廣故記別所解如有一類得念住故復有一類得正斷故得神足故得諸根故得諸力故得覺支故當知亦亦復有一類得八支聖道故得八支聖道相故得八支聖道能治所治故得八支聖道修故得八支聖道未生令生故得八支聖道生已堅住不忘倍修增廣故記別所解世尊我見彼已竊作是念此諸長老依有所得現觀各說種種相法記別所解當知彼諸長老一切皆懷增上慢為增上慢所執持故於勝義諦遍一切一味相不能解了是故世尊甚奇乃至世尊善說如世尊言勝義諦相微細取微細甚深寂甚深難通達寂難通達遍一切一味相世尊此聖教中修行必苦於勝義諦遍一切一味相尚難通達况諸外道亦時世尊告長老善現日如是如是善現我於微細寂微細甚深

解深密經卷第一 第十六張 蓋字號

寂甚深難通達寂難通達遍一切一味相勝義諦現正等覺現等覺已為他宣說顯示開解施設照了何以故善現我已顯示於一切蘊中清淨所緣是勝義諦我已顯示於一切處緣起食諦界念住正斷神足根力覺支道支中清淨所緣是勝義諦此清淨所緣於一切蘊中是一味相無別異相如於蘊中如是於一切處中乃至一切道支中是一味相無別異相是故善現由此道理當知勝義諦是遍一切一味相復次善現修觀行必苦通達一蘊真如勝義法无我性已更不尋求各別餘蘊諸處緣起食諦界念住正斷神足根力覺支道支真如勝義法無我性唯即隨此真如勝義无二智為依止故於遍一切一味相勝義諦審察趣證是故善現由此道理當知勝義諦是遍一切一味相復次善現如彼諸蘊展轉異相如彼諸處緣起食諦界念住正斷神足根力覺支道支展轉異相若一切法真如勝義法无我性亦異相者是則真如勝義法无

解深密經卷第一 第十七張 蓋字號

我性亦應有因從因所生若從因生應是有為若是有為應非勝義若非勝義應更尋求餘勝義諦善現由此真如勝義法无我性不名有因非因所生亦非有為是勝義諦得此勝義更不尋求餘勝義諦唯有常常時恒恒時如來出世若不出世諸法法性安立法界安住是故善現由此道理當知勝義諦是遍一切一味相善現辟如種種非一品類異相色中虚空无相無分別無變異遍一切一味相如是異性異相一切法中勝義諦遍一切一味相當知亦然尔時世尊欲重宣此義而說頌曰
此遍一切一味相 勝義諸佛說无異
若有於中異分別 彼定愚癡依上慢
心意識相品第三
尔時廣慧菩薩摩訶薩白佛言世尊如世尊說於心意識秘密善巧菩薩於心意識秘密善巧菩薩者齊何名為於心意識秘密善巧菩薩如來齊何施設彼為於心意識秘密善巧菩薩說是語已尔時世尊告廣慧菩薩

摩訶薩曰善哉善哉廣慧汝今乃能請問如來如是深義汝今為欲利益安樂無量衆生哀愍世間及諸天人阿素洛等為令獲得義利安樂故發斯問汝應諦聽吾當為汝說心意識秘密之義廣慧當知於六趣生死彼彼有情墮彼彼有情衆中或在卵生或在胎生或在濕生或在化生身分生起於中最初一切種子心識成熟展轉和合增長廣大依二執受一者有色諸根及所依執受二者相名分別言說戲論習氣執受有色界中具二執受無色界中不具二種廣慧此識亦名阿陀那識何以故由此識於身隨逐執持故亦名阿賴耶識何以故由此識於身攝受藏隱同安危義故亦名為心何以故由此識色聲香味觸等積集滋長故廣慧阿陀那識為依止為建立故六識身轉謂眼識耳鼻舌身意識此中有識眼及色為緣生眼識與眼識俱隨行同時同境有分別意識轉有識耳鼻舌身及聲香味觸為緣生耳鼻舌身識與耳鼻

舌身識俱隨行同時同境有分別意識轉廣慧若於今時一眼識轉即於此時唯有一分別意識與眼識同所行轉若於今時二三四五諸識身轉即於此時唯有一分別意識與五識身同所行轉廣慧譬如大瀑水流若有一浪生緣現前唯一浪轉若二若多浪生緣現前有多浪轉然此瀑水自類恒流無斷無盡又如善淨鏡面若有一影生緣現前唯一影起若二若多影生緣現前有多影起非此鏡面轉變為影亦無受用滅盡可得如是廣慧由似瀑流阿陀那識為依止為建立故若於今時有一眼識生緣現前即於此時一眼識轉若於今時乃至有五識身生緣現前即於此時五識身轉廣慧如是菩薩雖由法住智為依止為建立故於心意識秘密善巧然諸如來不齊於此施設彼為於心意識一切秘密善巧菩薩廣慧若諸菩薩於內各別如實不見阿陀那不見阿陀那識不見阿賴耶不見阿賴耶識不見積集不見心不見眼色

及眼識不見耳聲及耳識不見鼻香及鼻識不見舌味及舌識不見身觸及身識不見意法及意識是名勝義善巧菩薩如來施設彼為勝義善巧菩薩廣慧齊此名為於心意識一切秘密善巧菩薩如來齊此施設彼為於心意識一切秘密善巧菩薩今時世尊欲重宣此義而說頌曰

阿陀那識甚深細
一切種子如瀑流
我於凡愚不開演
恐彼分別執為我

解深密經卷第一

解深密經卷第一

校勘記

一 底本，金藏廣勝寺本。

一 四七七頁中二行首字「大」，**資**、**普**、**南**、**經**、**清**無。以下各卷譯者例同。

一 四七七頁中六行第一三字至七行

一 四七七頁中一行「作諸」，**石**、**資**、**磧**、**普**、**南**、**經**、**清**作「現作」。

一 四七七頁中一行第一二字「利」，**石**作「用」。

一 四七七頁中一行「滅諸」，**石**、**資**、**磧**、**普**、**南**、**經**、**清**作「蠲除一切」。

一 四七七頁中二行「災橫」，**資**、**磧**、**普**、**南**、**經**、**清**無。

一 四七七頁中二〇行首字「安」，**石**、**麗**作「成」。

一 四七七頁下一行「一切」，**石**、**麗**作「第一」。

一 四七七頁下一四行第一〇字「從」，**磧**、**普**、**南**、**經**、**清**作「衆從」。

一 四七七頁下二〇行「苦惱所逼迫」，**資**、**磧**、**普**、**南**、**經**、**清**作「災橫」。

一 四七七頁下二一行「深密」，諸本作「深義密」。

一 四七七頁下二二行「廣慧」至四七

八頁上二行第五字「薩」，諸本作「法涌菩薩摩訶薩善清淨慧菩薩摩訶薩廣慧菩薩摩訶薩德本菩薩摩訶薩勝義生菩薩摩訶薩觀自在菩薩摩訶薩慈氏菩薩摩訶薩」。

一 四七八頁上二行第一四字「薩」，**資**、**磧**、**普**、**南**、**經**、**清**、**麗**作「薩等」。

一 四七八頁上三行「解深密經」，**經**、**清**無。

一 四七八頁上四行第一一字「薩」，諸本作「薩即於佛前」。

一 四七八頁上五行第四字「薩」，**資**、**磧**、**普**、**南**、**經**、**清**作「薩摩訶薩」。

一 四七八頁上七行第七字「告」，**石**、**資**、**磧**、**普**、**南**、**經**、**清**作「謂」。

一 四七八頁上八行「一者有爲二者」，**石**、**資**、**磧**、**普**、**南**、**經**、**清**作「所謂有爲」。

一 四七八頁上一五行第八字「集」，**麗**作「執」。

一 四七八頁上一八行第六字「施」，**石**、**資**、**磧**、**普**、**南**、**經**、**清**無。

一 四七八頁上二〇行「等正」，**資**、**磧**、**普**、**南**、**經**、**清**作「正等」，下同。

一 四七八頁上二二行「名想」，**磧**、**普**、**南**、**經**、**清**作「名相」，下同。

一 四七八頁中一五行「瓦礫草葉木」，**資**、**磧**、**普**、**南**、**經**、**清**作「草葉木瓦礫」，下同。

一 四七八頁中一八行末字至一九行首字「曉知」，**資**、**磧**、**普**、**南**、**經**、**清**作「知曉」，下同。

一 四七八頁中二二行「身等」，**資**、**磧**、**普**、**南**、**經**、**清**、**麗**作「等身」。

一 四七九頁上六行第六字「於」，**資**、**磧**、**普**、**南**、**經**、**清**、**麗**作「於此」。

一 四七九頁上一一行第一三字「薩」，**石**、**資**、**磧**、**普**、**南**、**經**、**清**作「薩摩訶薩」。以下時有出現。

一 四七九頁上一八行第八字「河」，
石、資、磧、普、南、徑、清無。

一 四七九頁上一二行第三字「佛」，
磧、普、南、徑、清無。

一 四七九頁上末行第一三字「推」，
資、磧、普、南、徑、清作「尋」。

一 四七九頁中四行「已刺已惱已壞」，
石、資、磧、普、南、徑、清作「刺惱
壞既」。

一 四七九頁中一五行「復次」，資、
磧、普、南、徑、清無，下同。

一 四八〇頁上四行第八字「如」，石、
資、磧、普、南、徑、清作「謂」。

一 四八〇頁上一八行第二字「彼」，
資、磧、普、南、徑、清、麗作「此」。

一 四八〇頁上二二行第一〇字「彼」，
石、資、磧、普、南、徑、清作「此」。

一 四八〇頁中一六行第六字「今」，
石作「余」。

一 四八一頁中四行第四字「淡」，徑、
清作「澁」。

一 四八一頁中一一行第九字「此」，

磧、普、南、徑、清作「比」。

一 四八一頁中二一行第一二字「彼」，
資、磧、普、南、徑、清作「爲」。

一 四八一頁中末行「長老」，石、資、
磧、普、南、徑、清作「尊者」，下同。

一 四八一頁下三行首字「界」，資、
磧、南作「三」。

一 四八一頁下四行「余時」，麗無。

一 四八二頁上一三行首字「竊」，資、
磧、普、南、徑、清作「便」。

一 四八二頁上一八行首字「如」，資、
磧、普、南、徑、清作「謂」。

一 四八二頁下一三行第九字「然」，
資、磧、普、南、徑、清作「余」。

一 四八二頁下一七行首字「心」，石、
資、磧、普、南作「解深密經心」。

一 四八三頁中六行第一一字「瀑」，
資、磧、普、南、徑、清作「暴」，下同。

一 四八三頁下一〇行首字「一」至一
一行末字「演」，麗作「我於凡愚不
開演 一切種子如瀑流」。

解深密經卷第二

大唐三藏法師玄奘奉詔譯

一切法相品第四

尔時德本菩薩摩訶薩白佛言世尊如世尊說於諸法相善巧菩薩於諸法相善巧菩薩者齊何名為於諸法相善巧菩薩如來齊何施設彼為於諸法相善巧菩薩說是語已

尔時世尊告德本菩薩曰善哉德本汝今乃能請問如來如是深義汝今為欲利益安樂无量眾生哀愍世間及諸天人阿素洛等為令獲得義利安樂故發斯問汝應諦聽吾當為汝說諸法相謂諸法相略有三種何等為三一者遍計所執相二者依他起相三者圓成實相云何諸法遍計所執相謂一切法名假安立自性差別乃至為令隨起言說云何諸法依他起相謂一切法緣生自性則此有故彼有此生故彼生謂无明緣行乃至招集純大苦蘊云何諸法圓成實相謂一切法平等真如於此真如諸善

解深密經卷第二 第三段 五

薩眾勇猛精進為因緣故如理作意无倒思惟為因緣故乃能通達於此通達漸漸修集乃至無上正等菩提方證圓滿善男子如眩瞶人眼中所有眩瞶過患遍計所執相當知亦尔如眩瞶人眩瞶眾相或髮毛輪鋒蠅巨勝或復青黃赤白等相差別現前依他起相當知亦尔如淨眼人遠離眼中眩瞶過患即此淨眼本性所行无乱境界圓成實相當知亦尔善男子譬如清淨頗脰迦寶若與青染色合則似帝青大青末尼寶像由邪執取帝青大青末尼寶故惑乱有情若與赤染色合則似琥珀末尼寶像由邪執取琥珀末尼寶故惑乱有情若與綠染色合則似末羅羯多末尼寶像由邪執取末羅羯多末尼寶故惑乱有情若與黃染色合則似金像由邪執取真金像故惑乱有情如是德本如彼清淨頗脰迦上所有染色相應依他起相上遍計所執相言說習氣當知亦尔如彼清淨頗脰迦上所有帝青大青琥珀末羅羯多金等邪執

解深密經卷第二 第三段 五

依他起相上遍計所執相執當知亦尔如彼清淨頗脰迦寶依他起相當知亦尔如彼清淨頗脰迦上所有帝青大青琥珀末羅羯多真金等相於常常時於恒恒时无有真實無自性性即依他起相上由遍計所執相於常常時於恒恒时无有真實无自性性圓成實相當知亦尔復次德本相名相應以為緣故遍計所執相而可了知依他起相上遍計所執相執以為緣故依他起相而可了知依他起相上遍計所執相無執以為緣故圓成實相而可了知善男子若諸菩薩能於諸法依他起相上如實了知遍計所執相即能如實了知一切无相之法若諸菩薩如實了知依他起相即能如實了知一切雜染相法若諸菩薩如實了知圓成實相即能如實了知一切清淨相法善男子若諸菩薩能於依他起相上如實了知无相之法即能斷滅雜染相法若能斷滅雜染相法即能證得清淨相法如是德本由諸菩薩如實了知

遍計所執相依他起相圓成實相故如實了知諸无相法雜染相法清淨相法如實了知无相法故斷滅一切雜染相法斷滅一切染相法故證得一切清淨相法齊此名為於諸法相善巧菩薩如來齊此施設彼為於諸法相善巧菩薩尔時世尊欲重宣此義而說頌曰

若不了知无相法 雜染相法不能斷
不斷雜染相法故 壞證微妙淨相法
不觀諸行眾過失 放逸過失害眾生
懈怠住法動法中 无有失壞可憐愍
解深密經無自性相品第五

尔時勝義生菩薩摩訶薩白佛言世尊我曾獨在靜處心生如是尋思世尊以无量門曾說諸蘊所有自相生相滅相未斷遍知如說諸蘊諸處緣起諸食亦尔以無量門曾說諸諦所有自相遍知未斷作證修習以无量門曾說諸界所有自相種種界性非一界性未斷遍知以无量門曾說念住所有自相能治所治及以修習未生令生生已堅住不忘倍修增長廣

大如說念住正斷神足根力覺支亦復如是以無量門曾說八支聖道所有自相能治所治及以修習未生令生生已堅住不忘倍修增長廣大世尊復說一切諸法皆无自性無生无滅本来寂靜自性涅槃未審世尊依何密意作如是說一切諸法皆無自性無生无滅本来寂靜自性涅槃我今請問如來斯義惟願如來哀愍解釋說一切法皆无自性無生無滅本来寂靜自性涅槃所有密意

尔時世尊告勝義生菩薩曰善哉善哉勝義生汝所尋思甚為如理善哉善哉善男子汝今乃能請問如來如是深義汝今為欲利益安樂无量眾生哀愍世間及諸天人阿素洛等為令獲得義利安樂故發斯問汝應諦聽吾當為汝解釋所說一切諸法皆无自性無生无滅本来寂靜自性涅槃所有密意

勝義生當知我依三種无自性性密意說言一切諸法皆无自性所謂相无自性性生無自性性勝義元自性

性善男子云何諸法相无自性性謂諸法遍計所執相何以故此由假名安立為相非由自相安立為相是故說名相无自性性云何諸法生無自性性謂諸法依他起相何以故此由依他緣力故有非自然有是故說名生無自性性云何諸法勝義无自性性謂諸法由生無自性性故說名无自性性即緣生法亦名勝義无自性性何以故於諸法中若是清淨所緣境界我顯亦彼以為勝義无自性性依他起相非是清淨所緣境界是故亦說名為勝義無自性性復有諸法圓成實相亦名勝義无自性性何以故一切諸法法无我性名為勝義亦得名為无自性性是一切法勝義諦故无自性性之所顯故由此因緣名為勝義无自性性善男子譬如空花相無自性性當知亦尔譬如幻像生无自性性當知亦尔一分勝義无自性性當知亦尔譬如虛空惟是眾鳥性所顯遍一切處一分勝義無自性性當知亦尔法无我性之所顯故遍

解深密經卷第一 第六六 益

一切故善男子我依如是三種無自性性密意說言一切諸法皆无自性勝義生當知我依相无自性性密意說言一切諸法無生无滅本來寂靜自性涅槃何以故若法自相都無所有則无有生若无有生則無有滅若无生無滅則本來寂靜若本來寂靜則自性涅槃於中都无少分所有更可令其般涅槃故是故我依相无自性性密意說言一切諸法无生無滅本來寂靜自性涅槃善男子我亦依法無我性所顯勝義无自性性密意說言一切諸法无生無滅本來寂靜自性涅槃何以故法无我性所顯勝義无自性性於常常時於恒恒時諸法法性安住無為一切雜染不相應故於常常時於恒恒時諸法法性安住故无為由無為故无生無滅一切雜染不相應故本來寂靜自性涅槃是故我依法无我性所顯勝義無自性性密意說言一切諸法无生無滅本來寂靜自性涅槃復次勝義生非由有情界中諸有情

解深密經卷第二 第八八 益

類別觀遍計所執自性為自性故亦非由彼別觀依他起自性及圓成實自性為自性故我立三種無自性性然由有情於依他起自性及圓成實自性上增益遍計所執自性故我立三種无自性性由遍計所執自性相故彼諸有情於依他起自性及圓成實自性中隨起言說如如隨起言說如是如是由言說熏習心故由言說隨覺故由言說隨眠故於依他起自性及圓成實自性中執者遍計所執自性相如如執者如是如是於依他起自性及圓成實自性上執者遍計所執自性由是因緣生當來世依他起自性由此因緣或為煩惱雜染所染或為業雜染所染或為生雜染所染於生死中長時馳騁長時流轉無有休息或在那落迦或在傍生或在餓鬼或在天上或在阿素洛或在人中受諸苦惱復次勝義生若諸有情從本已來未種善根未清淨障未成熟相續未多修勝解未能積集福德智慧二種資

解深密經卷第二 第九九 益

糧我為彼故依生無自性性宣說諸法彼聞是已能於一切緣生行中隨分解了無常无恒是不安隱變壞法已於一切行心生怖畏深起厭患心生怖畏深厭患已遮止諸惡於諸惡法能不造作於諸善法能勤修習習善因故未種善根能種善根未清淨障能令清淨未熟相續能令成熟由此因緣多修勝解亦多積集福德智慧二種資糧彼雖如是種諸善根乃至積集福德智慧二種資糧然於生无自性性中未能如實了知相无自性性及二種勝義无自性性於一切行未能正厭未正離欲未正解脫未遍解脫煩惱雜染未遍解脫諸業雜染未遍解脫諸生雜染如來為彼更說法要謂相无自性性及勝義无自性性為欲令其於一切行能正厭故正離欲故正解脫故超過一切煩惱雜染故超過一切業雜染故超過一切生雜染故彼聞如是所說法已於生无自性性中能正信解相无自性性及勝義无自性性簡擇思惟如實

通達於依他起自性中能不執者遍計所執自性相由言說不熏習智故由言說不隨覺智故由言說離隨眠智故能滅依他起相於現法中智力所持能永斷滅當來世因此因緣於一切行能正厭患能正離欲能正解脫能遍解脫煩惱業生三種雜染復次勝義生諸聲聞乘種性有情亦由此道此行迹故證得无上安隱涅槃諸獨覺乘種性有情諸如來乘種性有情亦由此道此行迹故證得无上安隱涅槃一切聲聞獨覺菩薩皆共此一妙清淨道皆同此一究竟清淨更元第二我依此故密意說言唯有一乘非於一切有情界中无有種種有情種性或鈍根性或中根性或利根性有情差別善男子若一向趣寂聲聞種性補特伽羅雖蒙諸佛施設種種勇猛加行方便化導終不能令當坐道場證得阿耨多羅三藐三菩提何以故由彼本來唯在下劣種性故一向慈悲薄弱故一向怖畏眾苦故由彼一向慈悲薄弱是故一向

棄背利益諸眾生事由彼一向怖畏眾苦是故一向棄背發起諸行所作我終不說一向棄背利益眾生生事者一向棄背發起諸行所作當坐道場能得阿耨多羅三藐三菩提是故說彼名為一向趣寂聲聞若迴向善提聲聞種性補特伽羅我亦異門說為菩薩何以故彼既解脫煩惱障已若蒙諸佛等覺悟時於所知障其心亦可當得解脫由彼取初為自利益修行加行脫煩惱障是故如來施設彼為聲聞種性復次勝義生如是於我善說善制法毗奈耶取極清淨意樂所說善教法中諸有情類意解種種差別可得善男子如來但依如是三種無自性性由深密意於所宣說不了義經以隱密相說諸法要謂一切法皆无自性无生無滅本來寂靜自性涅槃於是經中若諸有情已種上品善根已清淨諸障已成熟相續已多修勝解已能積集上品福德智慧資糧彼若聽聞如是法已於我甚深密意言說如

實解了於如是法深生信解於如是義以無倒慧如實通達依此通達善修習故速疾能證取極究竟亦於我所深生淨信知是如來應正等覺於一切法現正等覺若諸有情已種上品善根已清淨諸障已成熟相續已多修勝解未能積集上品福德智慧資糧其性質直是質直類雖无力能思擇廢立而不安住自見取中彼若聽聞如是法已於我甚深秘密言說雖無力能如實解了於此法能生勝解發清淨信信此經典是如來說是其甚深顯現甚深空性相應難見難悟不可尋思非諸尋思所行境界微細詳審聰明智者之所解了於此經典所說義中自輕而住作如是言諸佛菩提為取甚深諸法法性亦取甚深唯佛如來能善了達非是我等所能解了諸佛如來為彼種種勝解有情轉正法教諸佛如來無邊智見我等智見猶如牛跡於此經典雖能恭敬為他宣說書寫護持披閱流布殷重供養受誦溫習然猶未能以其

修相發起加行是故於我甚深密意
神宗密經卷第二 第十七 五
 所說言辭不能通達由此因緣彼諸
 有情亦能增長福德智慧二種資糧
 於彼相續未成熟者亦能成熟若諸
 有情廣說乃至未能積集上品福德
 智慧資糧性非質直非質直類雖有
 力能思擇廢立而復安住自見取中
 彼若聽聞如是法已於我甚深密意
 言說不能如實解了於如是法雖生
 信解然於其義隨言執著謂一切法
 決定皆无自性決定不生不滅決定
 本來寂靜決定自性涅槃由此因緣
 於一切法獲得無見及無相見由得
 無見無相見故撥一切相皆是無相
 誹撥諸法遍計所執相依他起相圓
 成實相何以故由有依他起相及圓
 成實相故遍計所執相方可施設若
 於依他起相及圓成實相見為无相
 彼亦誹撥遍計所執相是故說彼誹
 撥三相雖於我法起於法想而非義
 中起於義想由於我法起法想故及
 非義中起義想故於是法中持為是
 法於非義中持為是義彼雖於法起

信解故福德增長然於非義起執著
神宗密經卷第二 第十八 五
 故退失智慧智慧退故退失廣大無
 量善法復有有情從他聽聞謂法為
 法非義為義若隨其見彼即於法起
 於法想於非義中起於義想執法為
 法非義為義由此因緣當知同彼退
 失善法若有有情不隨其見從彼欸
 聞一切諸法皆无自性無生无滅本
 來寂靜自性涅槃便生恐怖生恐怖
 已作如是言此非佛語是魔所說作
 此解已於是經典誹謗毀罵由此因
 緣獲大衰損觸大業障由是緣故我
 說若有於一切相起無相見於非義
 中宣說為義是起廣大業障方便由
 彼陷墜無量眾生令其獲得大業障
 故善男子若諸有情未種善根未清
 淨障未熟相續无多勝解未集福德
 智慧資糧性非質直非質直類雖有
 力能思擇廢立而常安住自見取中
 彼若聽聞如是法已不能如實解我
 甚深密意言說亦於此法不生信解
 於是法中起非法想於是義中起非
 義想於是法中執為非法於是義中

執為非義唱如是言此非佛語是魔
神宗密經卷第二 第十九 五
 所說作此解已於是經典誹謗毀罵
 撥為虛偽以无量門毀滅摧伏如是
 經典於諸信解此經典者起怨家想
 彼先為諸業障所障由此因緣復為
 如是業障所障如是業障初易施設
 乃至齊於百千俱那那度多劫無有
 出期善男子如是於我善說善教法
 毗奈耶最極清淨意樂所說善教法
 中有如是等諸有情類意解種種差
 別可得
 尔時世尊欲重宣此義而說頌曰
 一切諸法皆无性 無生无滅本來寂
 諸法自性恒涅槃 誰有智言无密意
 相生勝義无自性 如是我皆已顯示
 若不知佛此密意 失壞正道不能往
 依諸淨道清淨者 惟依此一無第二
 故於其中立一乘 非有情性无差別
 眾生界中无量生 惟度一身趣寂滅
 大悲勇猛證涅槃 不捨眾生甚難得
 微妙難思無漏界 於中解脫等无老
 一切義成離惑苦 二種異說謂常樂
 尔時勝義生菩薩復白佛言世尊諸

佛如來密意語言甚奇希有乃至微妙寂微妙甚深取其深難通達寂難通達如是我今領解世尊所說義者若於分別所行遍計所執相所依行相中假名安立以為色蘊或自性相或老別相假名安立為色蘊生為色蘊滅及為色蘊永斷遍知或自性相或老別相是名遍計所執相世尊依此施設諸法相无自性性若即分別所行遍計所執相所依行相是名衣他起相世尊依此施設諸法生無自性性及一分勝義无自性性如是我今領解世尊所說義者若即於此分別所行遍計所執相所依行相中由遍計所執相不成實故即此自性无自性性法無我真如清淨所緣是名圓成實相世尊依此施設一分勝義无自性性如於色蘊如是於餘蘊皆應廣說如於諸蘊如是於十二處二處中皆應廣說於十二有支二支中皆應廣說於四種食一食中皆應廣說於六界十八界一界中皆應廣說如是我今領解世尊所說義者

若於分別所行遍計所執相所依行相中假名安立以為苦諦苦諦遍知或自性相或老別相是名遍計所執相世尊依此施設諸法相无自性性若即分別所行遍計所執相所依行相是名依他起相世尊依此施設諸法生無自性性法及一分勝義无自性性如是我今領解世尊所說義者若即於此分別所行遍計所執相所依行相中由遍計所執相不成實故即此自性无自性性法無我真如清淨所緣是名圓成實相世尊依此施設一分勝義无自性性如於苦諦如是於餘諦皆應廣說如於聖諦如是於諸念住正斷神足根力覺支道支中二皆應廣說如是我今領解世尊所說義者若於分別所行遍計所執相所依行相中假名安立以為正定及為正定能治所治若正修未生今生生已堅住不忘倍修增長廣大或自性相或老別相是名遍計所執相世尊依此施設諸法相无自性性若即分別所行遍計所執相所依行相

是名依他起相世尊依此施設諸法生无自性性法及一分勝義无自性性如是我今領解世尊所說義者若即於此分別所行遍計所執相所依行相中由遍計所執相不成實故即此自性无自性性法无我真如清淨所緣是名圓成實相世尊依此施設諸法一分勝義无自性性世尊如毗濕縛藥一切散藥仙藥方中皆應安處如是世尊依此諸法皆无自性无生无滅本来寂靜自性涅槃无自性性了義言教遍於一切不了義經皆應安處世尊如彩畫地遍於一切彩畫事業皆同一味或青或黃或赤或白復能顯發彩畫事業如是世尊依此諸法皆无自性廣說乃至自性涅槃无自性性了義言教遍於一切不了義經皆同一味復能顯發彼諸經中所不了義世尊譬如一切成熟珍羞諸餅果內投之熟酥更生勝味如是世尊依此諸法皆无自性廣說乃至自性涅槃无自性性了義言教置於一切不了義經生勝歡喜世尊譬

解深密經卷第三 第十九段 三

如虛空遍一切處皆同一味不障一切所作事業如是世尊依此諸法皆无自性廣說乃至自性涅槃無自性性了義言教遍於一切不了義經皆同一味不障一切聲聞獨覺及諸大乘所修事業說是語已

尔時世尊歎勝義生菩薩曰善哉善哉善男子汝今乃能善解如來所說甚深密意言義復於此義善作譬喻所謂世間毗濕縛藥雜彩畫地煎酥虚空勝義生如是如是更無有異如是如是汝應受持

尔時勝義生菩薩復白佛言世尊初於一時在婆羅痾斯仙人墮處施鹿林中惟為發趣聲聞乘者以四諦相轉正法輪雖是其甚奇甚為希有一切世間諸天人等先无有能如法轉者而於彼時所轉法輪上有有容是未了義是諸諍論安足處所世尊在昔第二時中惟為發趣修大乘者依一切法皆無自性无生無滅本來寂靜自性涅槃以隱密相轉正法輪雖更甚奇甚為希有而於彼時所轉法輪

解深密經卷第二 第三段 三

亦是有上有所容受猶未了義是諸諍論安足處所世尊於今第三時中普為發趣一切乘者依一切法皆無自性無生無滅本來寂靜自性涅槃無自性性以顯了相轉正法輪第一甚奇寂為希有于今世尊所轉法輪无上无容是真了義非諸諍論安足處所世尊若善男子或善女人於此如來依一切法皆无自性無生无滅本來寂靜自性涅槃所說甚深了義言教聞已信解書寫護持供養流布受誦修習如理思惟以其修相發起加行生幾所福說是語已

尔時世尊告勝義生菩薩曰勝義生是善男子或善女人其所生福无量無數難可喻知吾今為汝略說少分如水上土比大地土百分不及一百分不及一百分不及一數算計喻如波尼殺曇分亦不及一或如牛跡中水比四大海水百分不及一廣說乃至解波尼殺曇分亦不及一如是於諸不了義經聞已信解廣說乃至以其修相發起加行所獲功德比此所

解深密經卷第二 第三段 三

說了義經教聞已信解所集功德廣說乃至以其修相發起加行所集功德百分不及一廣說乃至解波尼殺曇分亦不及一說是語已

尔時勝義生菩薩復白佛言世尊於是解深密法門中當何名此教我當云何奉持佛告勝義生菩薩曰善男子此名勝義了義之教於此勝義了義之教汝當奉持說此勝義了義教時於大會中有六百千衆生發阿耨多羅三藐三菩提心三百千聲聞遠塵離垢於諸法中得法眼淨一百五十千聲聞永盡諸漏心得解脫七十五千菩薩得無生法忍

解深密經卷第二

癸卯歲高麗國大藏都監奉
勅彫造

解深密經卷第二

校勘記

- 一 底本，麗藏本。
- 一 四八六頁上一行，石作「一切法相品第四卷第二」。
- 一 四八六頁中三行「修集」，資、磧、普、南、徑、清作「修習」。
- 一 四八六頁中七行「巨勝」，磧、普、南、徑、清作「苴勝」。
- 一 四八六頁中一二行第一一字「像」，磧、普、南、徑、清作「徧」。
- 一 四八六頁下一〇行第一一字「相」，石無。
- 一 四八七頁上一三行「解深密經」，徑、清無。
- 一 四八八頁中一八行第七字「落」，資、磧、普、南、徑、清作「洛」。
- 一 四八八頁下八行第六字「未」，資、磧、普、南、徑、清作「未成」。
- 一 四八八頁下末行第九字「簡」，諸本作「棟」。

- 一 四八九頁上二一行第一〇字「唯」，磧、普、南、徑、清作「雖」。
- 一 四八九頁下二行第一〇字「依」，資、磧、普、南、徑、清作「於」。
- 一 四八九頁下末行首字「殷」，資、磧、普、南、徑、清作「慇」。
- 一 四九〇頁上四行第二字「彼」，資、磧、普、南、徑、清作「後」。
- 一 四九一頁中一九行第一一字「修」，石作「修習」。
- 一 四九二頁中一二行第二字「修」，資、磧、普、南、徑、清作「温」。
- 一 四九二頁下一行首字「說」，石作「見」。



趙城縣廣勝寺

解深密經卷第三

大唐三藏法師玄奘奉

詔譯

分別瑜伽品第六

尔時慈氏菩薩摩訶薩白佛言世尊
 菩薩何依何住於大乘中修奢摩他
 毗鉢舍那佛告慈氏菩薩曰善男子
 當知菩薩法假安立及不捨阿耨多
 羅三藐三菩提願為依為住於大乘
 中修奢摩他毗鉢舍那慈氏菩薩復
 白佛言如世尊說四種所緣境事一
 者有分別影像所緣境事二者无分
 別影像所緣境事三者事邊際所緣
 境事四者所作成辦所緣境事於此
 四中幾是奢摩他所緣境事幾是毗
 鉢舍那所緣境事幾是俱所緣境事
 佛告慈氏菩薩曰善男子一是奢摩
 他所緣境事謂无分別影像一是毗
 鉢舍那所緣境事謂有分別影像二
 是俱所緣境事謂事邊際所作成辦
 慈氏菩薩復白佛言世尊云何菩薩
 依是四種奢摩他毗鉢舍那所緣境
 事能求奢摩他能善毗鉢舍那佛告

解深密經卷第三

第三

善男子

慈氏菩薩曰善男子如我為諸菩薩
 所說法假安立所謂契經應誦記別
 諷誦自說因緣譬喻本事本生方廣
 布法論議菩薩於此善聽善受言善
 通利意善尋思見善通達即於如所
 善思惟法獨處空閑作意思惟復即
 於此能思惟心內心相續作意思惟
 如是正行多安住故起身輕安及心
 輕安是名奢摩他如是菩薩能求奢
 摩他彼由獲得身心輕安為所依故
 即於如所善思惟法內三摩地所行
 影像觀察勝解捨離心相即於如是
 三摩地影像所知義中能正思擇寂
 極思擇周遍尋思周遍伺察若忍若
 樂若慧若見若觀是名毗鉢舍那如
 是菩薩能善毗鉢舍那慈氏菩薩復
 白佛言世尊若諸菩薩緣心為境內
 思惟心乃至未得身心輕安所有作
 意當名何等佛告慈氏菩薩曰善男
 子非奢摩他作意是隨順奢摩他勝
 解相應作意世尊若諸菩薩乃至未
 得身心輕安於如所思所有諸法內
 三摩地所緣影像作意思惟如是作

意當名何等善男子非毗鉢舍那作
意是隨順毗鉢舍那勝解相應作意
慈氏菩薩復白佛言世尊奢摩他道
與毗鉢舍那道當言有異當言无異
佛告慈氏菩薩曰善男子當言非有
異非无異何故非有異以毗鉢舍那
所緣境心為所緣故何故非無異有
分別影像非所緣故慈氏菩薩復白
佛言世尊諸毗鉢舍那三摩地所行
影像彼與此心當言有異當言无異
佛告慈氏菩薩曰善男子當言无異
何以故由彼影像唯是識故善男子
我說識所緣惟識所現故世尊若彼
所行影像即與此心無有異者云何
此心還見此心善男子此中無有少
法能見少法然即此心如是生時即
有如是影像顯現善男子如依善瑩
清淨鏡面以質為緣還見本質而謂
我今見於影像及謂離質別有所行
影像顯現如是此心生時相似有異
三摩地所行影像顯現世尊若諸有
情自性而住綠色等心所行影像彼
與此心亦無異耶善男子亦无有異

而諸愚夫由顛倒覺於諸影像不能
如實知惟是識作顛倒解慈氏菩薩
復白佛言世尊齊何當言菩薩一向
修毗鉢舍那佛告慈氏菩薩曰善男
子若相續作意惟思惟心相世尊齊
何當言菩薩一向修奢摩他善男子
若相續作意惟思惟无間心世尊齊
何當言菩薩奢摩他毗鉢舍那和合
俱轉善男子若正思惟心一境性世
尊云何心相善男子謂三摩地所行
有分別影像毗鉢舍那所緣世尊云
何无間心善男子謂緣彼影像心奢
摩他所緣世尊云何心一境性善男
子謂通達三摩地所行影像惟是其
識或通達此已復思惟如性慈氏菩
薩復白佛言世尊毗鉢舍那凡有幾
種佛告慈氏菩薩曰善男子略有三
種一者有相毗鉢舍那二者尋求毗
鉢舍那三者伺察毗鉢舍那云何有
相毗鉢舍那謂純思惟三摩地所行
有分別影像毗鉢舍那云何尋求毗
鉢舍那謂由慧故遍於彼彼未善解
了一切法中為善了故作意思惟毗

鉢舍那云何伺察毗鉢舍那謂由慧
故遍於彼彼已善解了一切法中為
善證得極解脫故作意思惟毗鉢舍
那慈氏菩薩復白佛言世尊是奢摩
他凡有幾種佛告慈氏菩薩曰善男
子即由隨彼无間心故當知此中亦
有三種復有八種謂初靜慮乃至非
想非非想處各有一種奢摩他故復
有四種謂慈悲喜捨四無量中各有
一種奢摩他故慈氏菩薩復白佛言
世尊如說依法奢摩他毗鉢舍那復
說不依法奢摩他毗鉢舍那云何名
依法奢摩他毗鉢舍那云何復名不
依法奢摩他毗鉢舍那佛告慈氏菩
薩曰善男子若諸菩薩隨先所受所
思法相而於其義得奢摩他毗鉢舍
那名依法奢摩他毗鉢舍那若諸菩
薩不待所受所思法相但依於他教
誡教授而於其義得奢摩他毗鉢舍
那謂觀青瘀及膿爛等或一切行皆
是无常或諸行苦或一切法皆無有
我或復涅槃畢竟寂靜如是等類奢
摩他毗鉢舍那名不依法奢摩他毗

解深密經卷第三 第六分 善男子

鉢舍那由依止法得奢摩他毗鉢舍那故我施設隨法行菩薩是利根性由不依法得奢摩他毗鉢舍那故我施設隨信行菩薩是鈍根性

慈氏菩薩復白佛言世尊如說緣別法奢摩他毗鉢舍那復說緣惣法奢摩他毗鉢舍那云何名為緣別法奢摩他毗鉢舍那云何復名緣惣法奢摩他毗鉢舍那佛告慈氏菩薩曰善男子若諸菩薩緣於各別契經等法於如所受所思惟法修奢摩他毗鉢舍那是名緣別法奢摩他毗鉢舍那若諸菩薩即緣一切契經等法集為一團一積一分一聚作意思惟此一切法隨順真如趣向真如臨入真如隨順菩提隨順涅槃隨順轉依及趣向彼若臨入彼此一切法宜說無量無數善法如是思惟修奢摩他毗鉢舍那是名緣惣法奢摩他毗鉢舍那慈氏菩薩復白佛言世尊如說緣小惣法奢摩他毗鉢舍那又說緣无量惣法奢摩他毗鉢舍那云何名緣小惣法

解深密經卷第一 第七分 善男子

奢摩他毗鉢舍那云何名緣大惣法奢摩他毗鉢舍那云何復名緣無量惣法奢摩他毗鉢舍那佛告慈氏菩薩曰善男子若緣各別契經乃至各別論義為一團等作意思惟當知是名緣小惣法奢摩他毗鉢舍那若緣乃至所受所思契經等法為一團等作意思惟非緣各別當知是名緣大惣法奢摩他毗鉢舍那若緣无量如來法教無量法句文字无量後後慈

所照了為一團等作意思惟非緣乃至所受所思當知是名緣无量惣法奢摩他毗鉢舍那慈氏菩薩復白佛言世尊菩薩齊何名得緣惣法奢摩他毗鉢舍那佛告慈氏菩薩曰善男子由五緣故當知名得一者於思惟時剎那剎那融銷一切塵重所依二者離種種想得樂法樂三者解了十方無差別相无量法光四者所作成滿相應淨分无分別相恒現在前五者為令法身得成滿故攝受後後轉勝妙因慈氏菩薩復白佛言世尊此緣惣法奢摩他毗鉢舍那當知從何

解深密經卷第三 第八分 善男子

名為通達從何名得佛告慈氏菩薩曰善男子從初極喜地名為通達從第三發光地乃名為得善男子初業菩薩亦於是中隨學作意雖未可歎不應懈廢慈氏菩薩復白佛言世尊

是奢摩他毗鉢舍那云何名有尋有伺三摩地云何名无尋無伺三摩地佛告慈氏菩薩曰善男子於如所取尋伺法相若有麁顯領受觀察諸奢摩他毗鉢舍那是名有尋有伺三摩地若於彼相雖无麁顯領受觀察而有微細彼光明念領受觀察諸奢摩他毗鉢舍那是名无尋無伺三摩地若即於彼一切法相都无作意領受觀察諸奢摩他毗鉢舍那是名无尋無伺三摩地復次善男子若有尋求奢摩他毗鉢舍那是名有尋有伺三摩地若有伺察奢摩他毗鉢舍那是名无尋無伺三摩地若緣惣法奢摩他毗鉢舍那是名无尋無伺三摩地慈氏菩薩復白佛言世尊云何止相云何舉相云何捨相佛告慈氏菩薩曰善男子

若心掉舉或恐掉舉時諸可厭法作
 意及彼無間心作意是名止相若心
 沉沒或恐沉沒時諸可欣法作意及
 彼心相作意是名舉相若於一向止
 道或於一向觀道或於雙運轉道二
 隨煩惱所染汙時諸无功用作意及
 心任運轉中所有作意是名捨相慈
 氏菩薩復白佛言世尊修奢摩他毗
 鉢舍那諸菩薩衆知法知義云何知
 法云何知義佛告慈氏菩薩曰善男
 子彼諸菩薩由五種相了知於法一
 者知名二者知句三者知文四者知
 別五者知惣云何為名謂於一切染
 淨法中所立自性想假施設云何為
 句謂即於彼名聚集中能隨宣說諸
 染淨義依持建立云何為文謂即彼
 二所依止字云何於彼各別了知謂
 由各別所緣作意云何於彼惣合了
 知謂由惣合所緣作意如是一切惣
 略為一名為知法如是名為菩薩知
 法善男子彼諸菩薩由十種相了知
 於義一者知盡所有性二者知如所
 有性三者知能取義四者知所取義

五者知建立義六者知受用義七者
 知顛倒義八者知无倒義九者知雜
 染義十者知清淨義善男子盡所有
 性者謂諸雜染清淨法中所有一切
 品別邊際是名此中盡所有性如五
 數蓋六數內處六數外處如是一切
 如所有性者謂即一切染淨法中所
 有真如是名此中如所有性此復七
 種一者流轉真如謂一切行無先後
 性二者相真如謂一切法補特伽羅
 無我性及法无我性三者了別真如
 謂一切行惟是識性四者安立真如
 謂我所說諸苦聖諦五者邪行真如
 謂我所說諸集聖諦六者清淨真如
 謂我所說諸滅聖諦七者正行真如
 謂我所說諸道聖諦當知此中由流
 轉真如安立真如邪行真如故一切
 有情平等平等由相真如了別真如
 故一切諸法平等平等由清淨真如
 故一切聲聞菩提獨覺菩提阿耨多
 羅三藐三菩提平等平等由正行真
 如故聽聞正法緣惣境界勝奢摩他
 毗鉢舍那所攝受慧平等平等能取

義者謂內五色處若心意識及諸心
 法所取義者謂外六處又能取義亦
 所取義建立義者謂器世界於中可
 得建立一切諸有情界謂一村田若百
 村田若干村田若百千村田或一大
 地至海邊際此百此千若此百千或
 一瞻部洲此百此千若此百千或一四
 大洲此百此千若此百千或一小千
 世界此百此千若此百千或一中千
 世界此百此千若此百千或一三千大
 千世界此百此千若此百千或此拘
 脛此百拘脛此千拘脛此百千拘脛
 或此無數此百無數此千無數此百
 千無數或三千大千世界無數百千
 微塵量等於十方面无量無數諸器
 世界受用義者謂我所說諸有情類
 為受用故攝受資具顛倒義者謂即
 於彼能取等義無常計常想倒心心倒
 見倒苦計為樂不淨計淨无我計我
 想倒心心倒見倒無倒義者與上相違
 能對治彼應知其相雜染義者謂三
 界中三種雜染一者煩惱雜染二者
 業雜染三者生雜染清淨義者謂即

解深密經卷第三 第十五品 善男子

如是三種雜染所有離繫菩提分法善男子如是十種當知普攝一切諸義復次善男子彼諸菩薩由能了知五種義故名為知義何等五義一者遍知事二者遍知義三者遍知因四者得遍知果五者於此覺了善男子此中遍知事者當知即是一切所知謂或諸蘊或諸內處或諸外處如是一切遍知義者乃至所有品類差別所應知境謂世俗故或勝義故或功德故或過失故緣故世故或生或住或壞相故或如病等故或苦集等故或真如實際法界等故或廣略故或一向記故或分別記故或反問記故或置記故或隱密故或顯了故如是等類當知一切名遍知義言遍知者當知即是能取前二菩提分法所謂念住或正斷等得遍知果者謂貪恚癡永斷毗奈耶及貪恚癡一切永斷諸沙門果及我所說聲聞如來若共不共世出世間所有功德於彼作證於此覺了者謂即於此作證法中諸解脫智廣為他說宣揚開示善男子如是

解深密經卷第三 第十五品 善男子

五義當知普攝一切諸義復次善男子彼諸菩薩由能了知四種義故名為知義何等四義一者心執受義二者領納義三者了別義四者雜染清淨義善男子如是四義當知普攝一切諸義復次善男子彼諸菩薩由能了知二種義故名為知義何等三義一者文義二者義義三者界義善男子言文義者謂名身等義義當知復有十種一者真實相二者遍知相三者永斷相四者作證相五者修習相六者即彼真實相等品差別相七者所依能依相屬相八者即遍知等障等法相九者即彼隨順法相十者不遍知等及遍知等過患功德相言界義者謂五種界一者器世界二者有情界三者法界四者所調伏界五者調伏方便界善男子如是五義當知普攝一切諸義

解深密經卷第三 第十五品 善男子

男子聞所成慧依止於文但其說未善意趣未現在前隨順解脫未能領受成解脫義思所成慧亦依於文不唯如說能善意趣未現在前轉順解脫未能領受成解脫義若諸菩薩修所成慧亦依於文亦不依文亦如其說亦不如說能善意趣所知事同分三摩地所行影像現前極順解脫已能領受成解脫義善男子是名三種知義老別慈氏菩薩復白佛言世尊修奢摩他毗鉢舍那諸菩薩衆知法知義云何為智云何為見佛告慈氏菩薩曰善男子我無量門宣說智見二種老別今當為汝略說其相若緣想法修奢摩他毗鉢舍那所有妙慧是名為智若緣別法修奢摩他毗鉢舍那所有妙慧是名為見慈氏菩薩復白佛言世尊修奢摩他毗鉢舍那諸菩薩衆由何作意何等云何除遣諸相佛告慈氏菩薩曰善男子由真如作意除遣法相及與義相若於其名及名自性无所得時亦不觀彼所依之相如是除遣如於其名於句

於文於一切義當知亦亦乃知於界
 及界自性无所得時亦不觀彼所依
 之相如是除遣世尊諸所了知真如
 義相此真如相亦可遣不善男子於
 所了知真如義中都無有相亦无所
 得當何所遣善男子我說了知真如
 義時能伏一切法義之相非此了達
 餘所能伏世尊如世尊說濁水器喻
 不淨鏡喻撓泉池喻不任觀察自面
 影相若堪任者與上相違如是若有
 不善修心則不堪任如實觀察所有
 真如若善修心堪任觀察此說何等
 能觀察心依何真如而作是說善男
 子此說三種能觀察心謂聞所成能
 觀察心若思所成能觀察心若修所
 成能觀察心依了別真如作如是說
 世尊如是了知法義菩薩為遣諸相
 勤修加行有幾種相難可除遣誰能
 除遣善男子有十種相空能除遣何
 等為十一者了知法義故有種種文
 字相此由一切法空能正除遣二者
 了知安立真如義故有生滅住異性
 相續隨轉相此由相空及无先後空

能正除遣三者了知能取義故有願
 戀身相及我慢相此由内空及无所
 得空能正除遣四者了知所取義故
 有願戀財相此由外空能正除遣五
 者了知受用義男女承事資具相應
 故有内安樂相外淨妙相此由内外
 空及本性空能正除遣六者了知建
 立義故有无量相此由大空能正除
 遣七者了知无色故有内寂靜解脫
 相此由有為空能正除遣八者了知
 相真如義故有補特伽羅无我相法
 無我相若惟識相及勝義相此由畢
 竟空无性空無性自性空及勝義空
 能正除遣九者由了知清淨真如義
 故有无為相無變異相此由无為空
 无變異空能正除遣十者即於彼相
 對治空性作意思惟故有空性相此
 由空空能正除遣世尊除遣如是十
 種相時除遣何等從何等相而得解
 脫善男子除遣三摩地所行影像相
 從雜染縛相而得解脫彼亦除遣善
 男子當知就勝說如是空治如是相
 非不二治一切相辭如无明非不能

生乃至老死諸雜染法就勝但說能
 生於行由是諸行親近緣故此中道
 理當知亦尔
 尔時慈氏菩薩復白佛言世尊此中
 何等空是惣空性相若諸菩薩了知
 是已無有失壞於空性相離增上慢
 尔時世尊歎慈氏菩薩曰善哉善哉
 善男子汝今乃能請問如来如是深
 義令諸菩薩於空性相无有失壞何
 以故善男子若諸菩薩於空性相有
 失壞者便為失壞一切大乘是故汝
 應諦聽諦聽當為汝說惣空性相善
 男子若於依他起相及圓成實相中
 一切品類雜染清淨遍計所執相畢
 竟遠離性及於此中都无所得如是
 名為於大乘中惣空性相
 慈氏菩薩復白佛言世尊此奢摩他
 毗鉢舍那能攝幾種勝三摩地佛告
 慈氏菩薩曰善男子如我所說無量
 聲聞菩薩如來有無量種勝三摩地
 當知一切皆此所攝世尊此奢摩他
 毗鉢舍那以何為因善男子清淨尸
 羅清淨聞思所成正見以為其因世

解深密經卷第三 第十八品 善男子

解深密經卷第三 第十八品 善男子

解深密經卷第三 第十八品 善男子

尊此奢摩他毗鉢舍那以何為果善
 男子善清淨心善清淨慧以為其果
 復次善男子一切聲聞及如來等所
 有世間及出世間一切善法當知皆
 是此奢摩他毗鉢舍那所得之果世
 尊此奢摩他毗鉢舍那能作何業善
 男子此能解脫二縛為業所謂相縛
 及麤重縛世尊如佛所說五種繫中
 幾是奢摩他障幾是毗鉢舍那障幾
 是俱障善男子願慈身財是奢摩他
 障於諸聖教不得隨欲是毗鉢舍那
 障樂相雜住於少喜足當知俱障由
 第一故不能造修由第二故所修加
 行不到究竟世尊於五蓋中幾是奢
 摩他障幾是毗鉢舍那障幾是俱障
 善男子掉舉惡作是奢摩他障昏沉
 睡眠疑是毗鉢舍那障貪欲瞋恚當
 知俱障世尊齊何名得奢摩他道圓
 滿清淨善男子乃至所有昏沉睡眠
 正善除遣齊是名得奢摩他道圓滿
 清淨世尊齊何名得毗鉢舍那道圓
 滿清淨善男子乃至所有掉舉惡作
 正善除遣齊是名得毗鉢舍那道圓

滿清淨世尊若諸菩薩於奢摩他毗
 鉢舍那現在前時應知幾種心散動
 法善男子應知五種一者作意散動
 二者外心散動三者內心散動四者
 相散動五者麤重散動善男子若諸
 菩薩捨於大乘相應作意墮在聲聞
 獨覺相應諸作意中當知是名作意
 散動若於其外五種妙欲諸雜亂相
 所有尋思隨煩惱中及於其外所緣
 境中縱心流散當知是名外心散動
 若由昏沉及以睡眠或由沉沒或由
 愛味三摩鉢底或由隨一三摩鉢底
 諸隨煩惱之所染汙當知是名內心
 散動若依外相於內等持所行諸相
 作意思惟名相散動若內作意為緣
 生起所有諸受由麤重身計我起慢
 當知是名麤重散動世尊此奢摩他
 毗鉢舍那從初菩薩地乃至如來地
 能對治何障善男子此奢摩他毗鉢
 舍那於初地中對治惡趣煩惱業生
 雜染障第二地中對治微細誤犯現
 行障第三地中對治欲貪障第四地
 中對治定愛及法愛障第五地中對

治生死涅槃一向背趣障第六地中
 對治相多現行障第七地中對治細
 相現行障第八地中對治於无相作
 功用及於有相不得自在障第九地
 中對治於一切種善巧言辭不得自
 在障第十地中對治不得圓滿法身
 證得障善男子此奢摩他毗鉢舍那
 於如來地對治極微細取極微細煩
 惱障及所知障由能永害如是障故
 究竟證得无著無身一切智見依於
 所作成滿所緣建立寂極清淨法身
 慈氏菩薩復白佛言世尊云何菩薩
 依奢摩他毗鉢舍那勤修行故證得
 阿耨多羅三藐三菩提
 佛告慈氏菩薩曰善男子若諸菩薩
 已得奢摩他毗鉢舍那依七真如於如
 所聞所思法中由勝定心於善審定
 於善思量於善安立真如性中內正
 思惟彼於真如正思惟故心於一切細
 相現行尚能棄捨何況麤相善男子
 言細相者謂心所執受相或領納相
 或了別相或雜染清淨相或內相或
 外相或內外相或謂我當修行一切

利有情相或正智相或真如相或苦
集滅道相或有為相或無為相或有
常相或無常相或有為異相相或有
苦無變異性相或有為異相相或有
為同相相或知一切是一切已有一切
相或補特伽羅無我相或法無我相
於彼現行心能棄捨彼既多住如是
行故於時時間從其一切繫蓋散動
善修治心從是已後於七真如有七
各別自內所證通達智生名為見道
由得此故名入菩薩正性離生生如
來家證得初地又能受用此地勝德
彼於先時由得奢摩他毗鉢舍那故
已得二種所緣謂有分別影像所緣
及無分別影像所緣彼於今時得見
道故更證得事邊際所緣復於後後
一切地中進修修道即於如是三種
所緣作意思惟辭如有人以其細楔
出於麤楔如是菩薩依此以楔出楔
方便遣內相故一切隨順雜染分相
皆悉除遣相除遣故廢重亦遣永害
一切相廢重故漸次於彼後後地中
如煉金法陶煉其心乃至證得阿耨

多羅三藐三菩提又得所作成滿所
緣善男子如是菩薩於內止觀正修
行故證得阿耨多羅三藐三菩提慈
氏菩薩復白佛言世尊云何修行引
發菩薩廣大威德善男子若諸菩薩
善知六處便能引發菩薩所有廣大
威德一者善知心生二者善知心住
三者善知心出四者善知心增五者
善知心減六者善知方便云何善知
心生謂如實知十六行心生起差別
是名善知心生十六行心生起差別
者一者不可覺知堅住器識生謂阿
陀那識二者種種行相所緣識生謂
須取一切色等境界分別意識及須
取內外境界覺受或須於一念瞬息
須更現八多定見多佛土見多如來
分別意識三者小相所緣識生謂欲
界繫識四者大相所緣識生謂色界
繫識五者無量相所緣識生謂空識
無邊處繫識六者微細相所緣識生
謂無所有處繫識七者邊際相所緣
識生謂非想非非想處繫識八者無
相識生謂出世識及緣滅識九者苦

俱行識生謂地獄識十者雜受俱行
識生謂欲行識十一喜俱行識生謂
初二靜慮識十二樂俱行識生謂第
三靜慮識十三不苦不樂俱行識生
謂從第四靜慮乃至非想非非想處
識十四捺汗俱行識生謂諸煩惱及
隨煩惱相應識十五善俱行識生謂
信等相應識十六無記俱行識生謂
被俱不相應識云何善知心住謂如
實知了別真如云何善知心出謂如
實知出二種縛所謂相縛及廢重縛
此能善知應令其心從如是出云何
善知心增謂如實知能治相縛廢重
縛心彼增長時彼積集時亦得增長
亦得積集名善知增云何善知心減
謂如實知彼所對治相及廢重所雜
染心彼衰退時彼損減時此亦衰退
此亦損減名善知減云何善知方便
謂如實知解脫勝處及與遍處或修
或遣善男子如是菩薩於諸菩薩廣
大威德或已引發或當引發或現引發
慈氏菩薩復白佛言世尊如世尊說
於無餘依涅槃界中一切諸受無餘

解深密經卷第三 第二十五 蓋字

永滅何等諸受於此永滅善男子以要言之有二種受無餘永滅何等為二一者所依鹿重受二者彼果境界受所依重受當知有四種一者有色所依受二者無色所依受三者果已成滿鹿重受四者果未成滿鹿重受果已成滿受者謂現在受果未成滿受者謂未來因受彼果境界受亦有四種一者依持受二者資具受三者受用受四者願樂受於有餘依涅槃界中果未成滿受一切已滅領彼對治明觸生受領受共有或復彼果已成滿受又二種受一切已滅惟現領受明觸生受於無餘依涅槃界中般涅槃時此亦永滅是故說言於無餘依涅槃界中一切諸受無餘永滅

爾時世尊說是語已復告慈氏菩薩曰善哉善哉善男子汝今善能依止圓滿寂極清淨妙瑜伽道請問如來汝於瑜伽已得決定寂極善巧吾已為汝宣說圓滿寂極清淨妙瑜伽道所有一切過去未來正等覺者已說當說皆亦如是諸善男子若善女人

解深密經卷第三 第二十五 蓋字

皆應依此勇猛精進當正修學爾時世尊欲重宣此義而說頌曰於法假立瑜伽中 若行放逸失大義 依止此法及瑜伽 若正修行得大覺 見有所得求免離 若謂此見為得法 慈氏彼去瑜伽速 譬如大地與虛空 剎生堅固而不作 悟已勤修利有情 智者作此窮劫量 便得寂上離染喜 若人為欲而說法 彼名捨欲還取欲 愚癡得法無價寶 反更遊行而乞白 於諍誼雜戲論者 應捨發起上精進 為度諸天及世間 於此瑜伽汝當學 爾時慈氏菩薩復白佛言世尊於是解深密法門中當何名此教我當云何奉持佛告慈氏菩薩曰善男子此名瑜伽了義之教於此瑜伽了義之教汝當奉持說此瑜伽了義教時於大會中有六百千衆生發阿耨多羅三藐三菩提心三百千聲聞速塵離垢於諸法中得法眼淨一百五十千聲聞諸漏永盡心得解脫七十五千菩薩獲得廣大瑜伽作意

解深密經卷第三

解深密經卷第三

校勘記

- 一 底本，全藏廣勝寺本。
- 一 四九四頁中一行，石作「解深密經分別瑜伽品第六卷第三」。
- 一 四九四頁下二行第一二字「誦」，經、清作「頌」。
- 一 四九四頁下五行末字「所」，資、積、南、經、清作「是」。
- 一 四九六頁上一四行第四字「積」，積、南、經、清作「積」。
- 一 四九六頁中二〇行第五字「分」，積、南、經、清作「分別」。
- 一 四九六頁中二〇行第一〇字「恒」，資作「但」。
- 一 四九七頁下二行第六字「謂」，資、積、南、經、清作「諸」。
- 一 四九八頁上一行第八字「有」，經作「謂」。
- 一 四九八頁上五行第一二字「因」，石無。

- 一 四九八頁上一六行第一一字「知」，
麗作「知因」。
- 一 四九八頁中七行第三字「二」，諸
本作「三」。
- 一 四九八頁中一二行第九字「品」，
資、磧、南、徑、清作「品類」。
- 一 四九八頁中一八行第一一字「五」，
石作「三」。
- 一 四九八頁中一九行第五字「諸」，
資、磧、南、徑、清無。
- 一 四九八頁下一二行第一一字「見」，
資、磧作「是」。
- 一 四九九頁上六行末字「如」，磧、南
作「知」。
- 一 四九九頁上一八行第三字「加」，
資、磧、南、徑、清作「如」。
- 一 四九九頁下四行第一三字「此」，
石作「如此」。
- 一 五〇〇頁上二行第三字「善」，麗
作「善清淨戒」。
- 一 五〇〇頁中一〇行第三字「縱」，
石作「內」。

- 一 五〇〇頁中二一行第一二字「誤」，
資、磧、南、徑、清作「悞」。
- 一 五〇一頁中三行第一三字「提」，
資、磧、南、徑、清作「提心」。
- 一 五〇二頁中五行第七字「離」，石、
磧、南、徑、清作「難」。

解深密經卷第四

蓋

大唐三藏法師玄奘奉詔譯

地波羅蜜多品第七

尔時觀自在菩薩白佛言世尊如佛所說菩薩十地所謂極喜地離垢地發光地焰慧地極難勝地現前地遠行地不動地善慧地法雲地復說佛地為第十一如是諸地幾種清淨幾分所攝

尔時世尊告觀自在菩薩曰善男子當知諸地四種清淨十一分攝云何名為四種清淨能攝諸地謂增上意樂清淨攝於初地增上戒清淨攝第二地增上心清淨攝第三地增上慧清淨於後地轉勝妙故當知能攝從第四地乃至佛地善男子當知如是四種清淨普攝諸地云何名為十一種分能攝諸地謂諸菩薩先於勝解行地依十法行極善修習勝解忍故超過彼地證入菩薩正性離生彼諸菩薩由是因緣此分圓滿而未能於微細毀犯現行中正知而行

由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能得世間圓滿等持等至及圓滿間持陀羅尼由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能令隨所獲得菩提分法多修習住心未能捨諸等至愛及與法愛由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能於諸諦道理如實觀察又未能於生死涅槃棄捨一向背趣作意又未能修方便所攝菩提分法由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能於生死流轉如實觀察又由於彼多生獸故未能多住無相作意由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能令無相作

解深密經卷第四 第七品

解深密經卷第四 第七品 意无致無間多修習住由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能於無相住中捨離功用又未能得於相自在由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能於異名衆相訓詞差別一切品類宣說法中得大自在由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能得圓滿法身現前證受由是因緣於此分中猶未圓滿為令此分得圓滿故精勤修習便能證得彼諸菩薩由是因緣此分圓滿而未能得遍於一切所知境界無著无碍妙智妙見由是因緣於此分中猶未圓滿為令此分得圓滿故精勤修習便能證得由是因緣此分圓滿此分滿故於一切分皆得圓滿善男子當知如是十一種分普攝諸地觀自在菩薩復白佛言世尊何緣取

解深密經卷第四 第七品

初名極喜地乃至何緣說名佛地佛告觀自在菩薩曰善男子成就大義得未曾得出世間心生大歡喜是故取初名極喜地遠離一切微細犯戒是故第二名離垢地由彼所得三摩地及聞持陀羅尼能為无量智光依止是故第三名發光地由彼所得菩提分法燒諸煩惱智如火焰是故第四名焰慧地由即於彼菩提分法方便修習寂極艱難方得自在是故第五名極難勝地現前觀察諸行流轉又於无相多修作意方現在前是故第六名現前地能遠證入無缺無間無相作意與清淨地共相隣接是故第七名速行地由於无相得無功用於諸相中不為現行煩惱所動是故第八名不動地於一切種說法自在獲得无罪廣大智慧是故第九名善慧地廣重之身廣如虛空法身圓滿譬如大雲皆能遍覆是故第十名法雲地永斷軍極微細煩惱及所知障无者无碍於一切種所知境界現正等覺故第十一說名佛地

觀自在菩薩復白佛言於此諸地有幾愚癡有幾廣重為所對治佛告觀自在菩薩曰善男子此諸地中有十二種愚癡十一種廣重為所對治謂於初地有二愚癡一者執著補特伽羅及法愚癡二者惡趣雜染愚癡及彼廣重為所對治於第二地有二愚癡一者微細誤犯愚癡二者種種業趣愚癡及彼廣重為所對治於第三地有二愚癡一者欲貪愚癡二者圓滿聞持陀羅尼愚癡及彼廣重為所對治於第四地有二愚癡一者等至愛愚癡二者法愛愚癡及彼廣重為所對治於第五地有二愚癡一者一向作意棄背生死愚癡二者一向作意趣向涅槃愚癡及彼廣重為所對治於第六地有二愚癡一者現前觀察諸行流轉愚癡二者相多現行愚癡及彼廣重為所對治於第七地有二愚癡一者微細相現行愚癡二者一向无相作意方便愚癡及彼廣重為所對治於第八地有二愚癡一者於無相作功用愚癡二者於相自

在愚癡及彼廣重為所對治於第九地有二愚癡一者於元量說法無量法句文字後後慧辯陀羅尼自在愚癡二者辯才自在愚癡及彼廣重為所對治於第十地有二愚癡一者大神通愚癡二者悟入微細秘密愚癡及彼廣重為所對治於如來地有二愚癡一者於一切所知境界極微細者愚癡二者極微細等覺愚癡及彼廣重為所對治善男子由此二十二種愚癡及十一種廣重故安立諸地而阿耨多羅三藐三菩提離彼繫縛觀自在菩薩復白佛言世尊阿耨多羅三藐三菩提甚奇希有乃至成就大利大果令諸菩薩能破如是大愚癡羅網能越如是大廣重稠林現前證得阿耨多羅三藐三菩提

解深密經卷第二 第七張 蓋

清淨八者威德清淨善男子於初地中所有增上意樂清淨乃至威德清淨後後諸地乃至佛地所有增上意樂清淨乃至威德清淨當知彼諸清淨展轉增勝唯於佛地除生清淨又初地中所有功德於上諸地平等皆有當知自地功德殊勝一切菩薩十地功德皆是有上佛地功德當知无上觀自在菩薩復自佛言世尊何因緣故說菩薩生於諸有生處為殊勝佛告觀自在菩薩曰善男子四因緣故一者極淨善根所集起故二者故意思擇力所取故三者悲愍濟度諸眾生故四者自能無染除他染故

觀自在菩薩復自佛言世尊何因緣故說諸菩薩行廣大願妙願勝願佛告觀自在菩薩曰善男子四因緣故謂諸菩薩能善了知涅槃樂住堪能速證而復棄捨速證樂住无緣無待發大願心為欲利益諸有情故處多種種長時大苦是故我說彼諸菩薩行廣大願妙願勝願

觀自在菩薩復自佛言世尊是諸菩

解深密經卷第四 第八張 蓋

薩凡有幾種所應學事佛告觀自在菩薩曰善男子菩薩學事略有六種所謂布施持戒忍辱精進靜慮慧到彼岸

觀自在菩薩復自佛言世尊如是六種所應學事幾是增上戒學所攝幾是增上心學所攝幾是增上慧學所攝佛告觀自在菩薩曰善男子當知初三但是增上戒學所攝靜慮一種但是增上心學所攝慧是增上慧學所攝我說精進過於一切

觀自在菩薩復自佛言世尊如是六種所應學事幾是福德資糧所攝幾是智慧資糧所攝佛告觀自在菩薩曰善男子若增上戒學所攝者是名福德資糧所攝若增上慧學所攝者是名智慧資糧所攝我說精進靜慮二種過於一切

觀自在菩薩復自佛言世尊於六種所應學事中菩薩云何應當修學佛告觀自在菩薩曰善男子由五種相應當修學一者取初於菩薩藏波羅蜜多相應微妙正法教中猛利信解二者

解深密經卷第四 第九張 蓋

次於十種法行以聞思修所成妙智精進修行三者隨護菩提之心四者親近真善知識五者无間勤修善品

觀自在菩薩復自佛言世尊何因緣故施設如是所應學事但有六數佛告觀自在菩薩曰善男子二因緣故一者饒益諸有情故二者對治諸煩惱故當知前三饒益有情後三對治一切煩惱前三饒益諸有情者謂諸菩薩由布施故攝受資具饒益有情由持戒故不行損害逼迫惱亂饒益有情由忍辱故於彼損害逼迫惱亂堪能忍受饒益有情後三對治諸煩惱者謂諸菩薩由精進故雖未永伏一切煩惱亦未永害一切隨眠而能勇猛修諸善品彼諸煩惱不能傾動善品加行由靜慮故永伏煩惱由般若故永言隨眠觀自在菩薩復自佛言世尊何因緣故施設所餘波羅蜜多

由有四數佛告觀自在菩薩曰善男子由前六種波羅蜜多為助伴故謂諸菩薩於前三種波羅蜜多所攝有可以諸攝事方便善巧而攝受之安

置善品是故我說方便善巧波羅蜜多與前三種而為助伴若諸菩薩於現法中煩惱多故於修無間無有堪能羸劣意樂故下界勝解故於內心住無有堪能於菩薩藏不能聞緣善修習故所有靜慮不能引發出世間慧彼便漸受少分殃劣福德資糧為未來世煩惱輕微心生正願如是名願波羅蜜多由此願故煩惱微薄能修精進是故我說願波羅蜜多與精進波羅蜜多而為助伴若諸菩薩親近善士聽聞正法如理作意為因緣故轉劣意樂成勝意樂亦能獲得上界勝解如是名力波羅蜜多由此力故於內心住有所堪能是故我說力波羅蜜多與靜慮波羅蜜多而為助伴若諸菩薩於菩薩藏已能聞緣善修習故能發靜慮如是名智波羅蜜多由此智故堪能引發出世間慧是故我說智波羅蜜多與慧波羅蜜多而為助伴

觀自在菩薩復白佛言世尊何因緣故宣說六種波羅蜜多如是次第佛告觀自在菩薩曰善男子能為後後引發依故謂諸菩薩若於身財无所顧怯便能受持清淨禁戒為護禁戒便修忍辱修忍辱已能發精進發精進已能辦靜慮具靜慮已便能獲得出世間慧是故我說波羅蜜多如是次第

波羅蜜多說名波羅蜜多佛告觀自在菩薩曰善男子五因緣故一者無染著故二者無願應故三者無罪過故四者無分別故五者正迴向故無染著者謂不染著波羅蜜多諸相違事無願應者謂於一切波羅蜜多諸果異熟及報恩中心無繫縛無罪過者謂於如是波羅蜜多無開離染法離非方便行无分別者謂於如是波羅蜜多不如言詞執著自相正迴向者謂以如是所作所集波羅蜜多迴求无上大菩提果世尊何等名為波羅蜜多諸相違事善男子當知此略略有六種一者於喜樂欲財富自在諸欲樂中深見功德及與勝利二者於隨所樂縱身語意而現行中深見功德及與勝利三者於他輕蔑不堪忍中深見功德及與勝利四者於不勤修著欲樂中深見功德及與勝利五者於處憤肉世雜乱行深見功德及與勝利六者於見聞覺知言談戲論深見功德及與勝利世尊如是一切波羅蜜多何果異熟善男子當知此

亦略有六種一者得大財富二者往生善趣三者无惡無壞多諸喜樂四者為家生主五者身无惱害六者有大宗葉世尊何等名為波羅蜜多間雜洙法善男子當知略由四種加行三者無悲加行故二者不如理加行故三者不常加行故四者不懇重加行故不如理加行者謂修行餘波羅蜜多時於餘波羅蜜多遠離失壞世尊何等名為非方便行善男子若諸菩薩以波羅蜜多饒益眾生時但攝財物饒益眾生便為喜足而不令其出不善處安置善處如是名為非方便行何以故善男子非於眾生唯作此事名實饒益譬如糞穢若多若少終無有能令成香潔如是眾生由行苦故其性是苦无有方便但以財物麁相饒益可令成樂唯有安處妙善法中方可得名第一饒益

觀自在菩薩復白佛言世尊如是一切波羅蜜多有幾清淨佛告觀自在菩薩曰善男子我終不說波羅蜜多除上五相有餘清淨然我即依如是

諸事佛經卷第四 第十七 頁摠別當說波羅蜜多清淨之相摠說一切波羅蜜多清淨相者當知七種何等為七一者菩薩於此諸法不求他知二者於此諸法見已不生執著三者即於如是諸法不生疑惑謂為能得大菩提不四者終不自讚毀他有所輕蔑五者終不憍傲放逸六者終不少有所得便生喜足七者終不由此諸法於他發起嫉妬慳怯別說一切波羅蜜多清淨相者亦有七種何等為七謂諸菩薩如我所說七種布施清淨之相隨順修行一者由施物清淨行清淨施二者由戒清淨行清淨施三者由見清淨行清淨施四者由心清淨行清淨施五者由語清淨行清淨施六者由智清淨行清淨施七者由垢清淨行清淨施是名七種施清淨相又諸菩薩能善了知制立律儀一切學處能善了知出離所執具常尸羅堅固尸羅常作尸羅常轉尸羅受學一切所有學處是名七種戒清淨相若諸菩薩於自所有業果異熟深生依信一切所有不饒

益事解深密經卷第四 第十七 頁現在前時不生憤發亦不反罵不嗔不打不恐不弄不以種種不饒益事反相加害不懷惡結若諫誨時不令恚恚亦復不待他來諫誨不由恐怖有染愛心而行忍辱不以作恩而便放捨是名七種忍清淨相若諸菩薩通達精進平等之性不由勇猛勤精進故自舉陵他具大勢力具大精進有所堪能堅固勇猛於諸善法終不捨軛如是名為七種精進清淨之相若諸菩薩有善通達相三摩地靜慮有圓滿三摩地靜慮有俱分三摩地靜慮有運轉三摩地靜慮有無所依三摩地靜慮有善修治三摩地靜慮有於菩薩裁聞緣修習无量三摩地靜慮如是名為七種靜慮清淨之相若諸菩薩遠離增益損減二邊行於中道是名為慧由此慧故如實了知解脫門義謂空无願無相三解脫門如實了知有自性義謂遍計所執若依他起若圓成實三種自性如實了知无自性義謂相生勝義三種無自性性如實了知世俗諦義謂於五

明處如實了知勝義諦義謂於七真如又無分別離諸戲論純一理趣多所住故無量惣法為所緣故及毗鉢舍那故能善成辦法隨法行是名七種慧清淨相

觀自在菩薩復白佛言世尊如是五相各有何業佛告觀自在菩薩曰善男子當知彼相有五種業謂諸菩薩无染著故於現法中於所修習波羅蜜多恒常殷重勤修加行無有放逸无願戀故攝受當來不放逸因無罪過故能正修習極善圓滿極善清淨極善鮮白波羅蜜多无分別故方便善巧波羅蜜多速得圓滿正迴向故一切生處波羅蜜多及彼可愛諸果異熟皆得无盡乃至無上正等菩提觀自在菩薩復白佛言世尊如是所說波羅蜜多何者最廣大何者无染汗何者最明盛何者不可動何者最清淨佛告觀自在菩薩曰善男子无染著性无願戀性正迴向性最為廣大无罪過性無分別性无有染汗思擇所作最為明盛已入无退轉法地

者名不可動若十地攝佛地攝者名寧清淨

觀自在菩薩復白佛言世尊何因緣故菩薩所得波羅蜜多諸可愛果及諸異熟常无有盡波羅蜜多亦無有盡佛告觀自在菩薩曰善男子展轉相依生起修習无間斷故

觀自在菩薩復白佛言世尊何因緣故是諸菩薩深信愛樂波羅蜜多非於如是波羅蜜多所得可愛諸果異熟佛告觀自在菩薩曰善男子五因緣故一者波羅蜜多是取增上喜樂因故二者波羅蜜多是其究竟饒益一切自他因故三者波羅蜜多是當來世彼可愛果異熟因故四者波羅蜜多非諸雜染所依事故五者波羅蜜多非是畢竟變壞法故觀自在菩薩復白佛言世尊一切波羅蜜多各有幾種取勝威德佛告觀自在菩薩曰善男子當知一切波羅蜜多各有四種取勝威德一者於此波羅蜜多正修行時能捨慳怯犯戒心憤懈怠散乱見趣所治二者於此正修行時

能為無上正等菩提真實資糧三者於此正修行時於現法中能自攝受饒益有情四者於此正修行時於未來世能得廣大无盡可愛諸果異熟觀自在菩薩復白佛言世尊如是一切波羅蜜多何因何果有何義利佛告觀自在菩薩曰善男子如是一切波羅蜜多大悲為因微妙可愛諸果異熟饒益一切有情為果圓滿無上廣大菩提為大義利

觀自在菩薩復白佛言世尊若諸菩薩具足一切无盡財寶成就大悲何緣世間現有衆生貧窮可得佛告觀自在菩薩曰善男子是諸衆生自業過失若不念者菩薩常懷饒益他心又常具足无盡財寶若諸衆生無自惡業能為障身何有世間貧窮可得譬如餓鬼為大熱渴逼迫其身見大海水患皆涸竭非大海過是諸餓鬼自業過耳如是菩薩所施財寶猶如大海无有過失是諸衆生自業過可猶如餓鬼自惡業力令无有果觀自在菩薩復白佛言世尊菩薩以

藏經卷第四 第七之三

何等波羅蜜多取一切法無自性性
佛告觀自在菩薩曰善男子以般若
波羅蜜多能取諸法無自性性世尊
若般若波羅蜜多能取諸法無自性
性何故不取有自性性善男子我終
不說以无自性性取無自性性然无
自性性雜諸文字自內所證不可捨
於言說文字而能宣說是故我說般
若波羅蜜多能取諸法无自性性
觀自在菩薩復白佛言世尊如佛所
說波羅蜜多近波羅蜜多大波羅蜜
多云何波羅蜜多云何近波羅蜜多
云何大波羅蜜多佛告觀自在菩薩
曰善男子若諸菩薩經无量時修行
施等成就善法而諸煩惱猶故現行
未能制伏然為彼伏謂於勝解行地
軟中勝解轉時是名波羅蜜多復於
无量時修行施等漸復增上成就善
法而諸煩惱猶故現行然能制伏非
彼所伏謂從初地已上是名近波羅
蜜多復於无量時修行布施等轉復
增上成就善法一切煩惱皆不現行謂
從八地已上是名大波羅蜜多

解深密經卷第四 第七之三

觀自在菩薩復白佛言世尊此諸地
中煩惱隨眠可有幾種佛告觀自在
菩薩曰善男子略有三種一者昏伴
隨眠謂於前五地何以故善男子諸
不俱生現行煩惱是俱生煩惱現行
助伴彼於介時永元復有是故說名
昏伴隨眠二者羸劣隨眠謂於第六
第七地中微細現行若修所伏不現
行故三者微細隨眠謂於第八地已
上從此已去一切煩惱不復現行唯
有所知障為依止故
觀自在菩薩復白佛言世尊此諸隨
眠幾種麁重斷所顯示佛告觀自在
菩薩曰善男子但由二種謂由在皮
麁重斷故顯彼初二復由在膚麁重
斷故顯彼第三若在於骨麁重斷者
我說永離一切隨眠位在佛地
觀自在菩薩復白佛言世尊經綫不
可數劫能斷如是麁重佛告觀自在
菩薩曰善男子經於三大不可數劫
或無量劫所謂年月半月晝夜一時
半時須臾瞬息刹那量劫不可數故
觀自在菩薩復白佛言世尊是諸善

解深密經卷第四 第七之三

薩於諸地中所生煩惱當知何相何
失何德佛告觀自在菩薩曰善男子
無染汙相何以故是諸菩薩於初地
中定於一切諸法法界已善通達由
此因緣菩薩要知方起煩惱非為不
知是故說名无染汙相於自身中不
生苦故無過失菩薩生起如是煩惱
於有情界能斷苦因是故彼有无量
功德觀自在菩薩復白佛言甚奇世
尊无上菩提乃有如是大大功德利
諸菩薩生起煩惱尚勝一切有情聲
聞獨覺善根何況其餘無量功德
觀自在菩薩復白佛言世尊如世尊
說若聲聞乘若復大乘唯是一乘此
何密意佛告觀自在菩薩曰善男子
如我於彼聲聞乘中宣說種種諸法
自性所謂五蘊或內六處或外六處
如是等類於大乘中即說彼法同一
法界同一理趣故我不說乘差別性
於中或有如言於義妄起分別一類
增益一類損減又於諸乘差別道理
謂不相違如是展轉遞興評論如是
名為此中密意介時世尊欲重宣此

義而說頌曰

諸地攝想所對治 殊勝生願及諸學
由依佛說是大乘 於此善修成大覺
宣說諸法種種性 復說皆同一理趣
謂於下乘或上乘 故我說乘无異性
如言於義妄分別 或有增益或損減
謂此二種不相違 愚癡意解成乖諍
余時觀自在菩薩摩訶薩復白佛言
世尊於是解深密法門中此名何教
我當云何奉持佛告觀自在菩薩曰
善男子此名諸地波羅蜜多了義之
教於此諸地波羅蜜多了義之教汝
當奉持說此諸地波羅蜜多了義教
時於大會中有七十五千菩薩皆得
菩薩大乘光明三摩地
解深密經卷第四

癸卯歲高麗國大藏都監奉
勅彫造

解深密經卷第四

校勘記

- 一 底本，麗藏本。
- 一 五〇五頁上一八行第三字「罪」，
[資、磧、普、南、徑、清]作「礙」。
- 一 五〇五頁中末行末字「自」，[石]作
「不自」。
- 一 五〇五頁下二行第一一字「說」，
[石]作「所說」。
- 一 五〇五頁下二二行第三字「到」，
[資、磧、普、南、徑、清]作「至」。
- 一 五〇六頁中三行第一三字「慧」，
[資、磧、普、南、徑、清]作「智慧」。
- 一 五〇六頁下二一行第二字「由」，
[資、磧、普、南、徑、清]作「與」。
- 一 五〇七頁中一八行第二字「種」，
[資、磧、普、南、徑、清]無。
- 一 五〇八頁上四行第二字「葉」，[磧]
作「乘」。
- 一 五〇八頁上四行第一三字「聞」，
[磧、普、南、徑、清]作「聞」。
- 一 五〇八頁上一七行第一三字「斃」，
[資、磧、普、南、徑、清]作「繫」。
- 一 五〇八頁下八行第七字「陵」，[資、
磧、普、南、徑、清]作「凌」。
- 一 五〇九頁上三行第一二字「及」，
[徑、清]作「又」。
- 一 五〇九頁中一四行第七字「三」，
[石]作「二」。
- 一 五〇九頁下一一行第六字「白」，
諸本作「復白」。
- 一 五〇九頁下一七行第一一字「窮」，
[石]作「苦」。
- 一 五一〇頁上一一行第一〇字「布」，
諸本無。
- 一 五一〇頁下二〇行第一三字「一」，
[磧、普、南、徑、清]作「二」。
- 一 五一一頁上一六行第七字「四」，
[石]作「五」。



越城縣廣勝寺

解深密經卷第五

大唐善藏法師玄奘奉 詔譯

如來成所作事品第八

爾時曼殊室利菩薩摩訶薩請問佛言世尊如佛所說如來法身如來法身有何等相佛告曼殊室利菩薩曰善男子若於諸地波羅蜜多善修出離轉依成滿是名如來法身之相當知此相二因緣故不可思議無戲論故无所為故而諸眾生計著戲論有所為故

世尊聲聞獨覺所得轉依名法身不善男子不名法身世尊當名何身善男子名解脫身由解脫身故說一切聲聞獨覺與諸如來平等平等由法身故說有老別如來法身有老別故无量功德寂勝老別等數譬喻所不能及曼殊室利菩薩復白佛言世尊我當云何應知如來生起之相佛告曼殊室利菩薩曰善男子一切如來化身作業如世界起一切種類如來功德眾所莊嚴住持為相當知化身相有生起法身之

解深密經卷第五 第二張 蓋字

相無有生起曼殊室利菩薩復白佛言

世尊云何應知示現化身方便善巧

遍於一切三千大千佛國土

中或眾推許增上王家或眾推許大

福田家同時入胎誕生長大受欲出

家示行苦行捨苦行已成等正覺次

第示現是名如來示現化身方便善

巧曼殊室利菩薩復白佛言世尊凡有幾種一切如來身所住

持言音老別由此言音所化有情未

成熟者令其成熟已成熟者緣此為

境速得解脫佛告曼殊室利菩薩曰善男子如來言音略有

三種一者契經二者調伏三者本母

世尊云何契經云何調伏云何本母

曼殊室利若於是處我依攝事顯示諸

法是名契經謂依四事或依九事或

復依於二十九事云何四事一者聽

聞事二者歸趣事三者修學事四者

菩提事云何九事一者施設有情事

二者彼所受用事三者彼生起事四

者彼生已住事五者彼淨事六者

彼老別事七者能宣說事八者所宣

說事九者諸眾會事云何名為二十

九事謂依雜染品有攝諸行事彼次

第隨轉事即於是中作補特伽羅想已於當來世流轉因事作是法想已於當來世流轉因事依清淨品有繫念於所緣事即於是中勤精進事心安住事現法樂住事超一切苦緣方便事彼遍知事此復三種顛倒遍知所依處故依有情想外有情中邪行遍知所依處故內離增上慢遍知所依處故修依處事作證事修習事令彼堅固事彼行相事彼所緣事已斷未斷觀察善巧事彼散亂事彼不散亂

依處事 修習劬勞加

行事修習勝利事彼堅牢事攝聖行事攝聖行眷屬事通達真實事證得涅槃事於善說法毗奈耶中世間正見超昇一切外道所得正見頂事及即於此不修退事於善說法毗奈耶中不修習故說名為退非見過失故名為退

勇殊室利若於是處我依聲聞及諸菩薩顯示別解脫及別解脫相應之法是名調伏世尊菩薩別解脫幾相所攝善男子當知七相一者宣說受

軌則事故二者宣說隨順他勝事故三者宣說隨順毀犯事故四者宣說有犯自性故五者宣說无犯自性故六者宣說出所犯故七者宣說捨律儀故

勇殊室利若於是處我以十一種相決了分別顯示諸法是名本母何等名為十一種相一者世俗相二者勝義相三者菩提分法所緣相四者行相五者自性相六者彼果相七者彼領受開示相八者彼障身法相九者彼隨順法相十者彼過患相十一者彼勝利相世俗相者當知三種一者宣說補特伽羅故二者宣說遍計所執自性故三者宣說諸法作用事業故勝義相者當知宣說七種真如故菩提分法所緣相者當知宣說遍一切種所知事故行相者當知宣說八行觀故去何名為八行觀耶一者諦實故二者安住故三者過失故四者功德故五者理趣故六者流轉故七者道理故八者捨別故諦實者謂諸法真如安住者謂或安立補特伽羅

或復安立諸法遍計所執自性或復安立一向分別及問置記或復安立隱密顯了記別差別過失者謂我宣說諸雜染法有無量門差別過患功德者謂我宣說諸清淨法有無量門差別勝利理趣者當知六種一者真義理趣二者證得理趣三者教導理趣四者遠離二邊理趣五者不可思議理趣六者意趣理趣流轉者所謂三世三有為相及四種緣道理者當知四種一者觀待道理二者作用道理三者證成道理四者法介道理觀待道理者謂若因若緣能生諸行及起隨說如是名為觀待道理作用道理者謂若因若緣能得諸法或能成辦或復生已作諸業用如是名為作用道理證成道理者謂若因若緣能令所立所說所標義得成立令正覺悟如是名為證成道理

又此道理略有二種一者清淨二者不清淨由五種相名為清淨由七種相名不清淨

云何由五種相名為清淨一者現見

解深密經卷第五 第六分 善淨相

所得相二者依止現見所得相三者
 自類譬喻所引相四者圓成實相五
 者善清淨言教相現見所得相者謂
 一切行皆無常性一切行皆是苦性一
 切法皆無我性此為世間現量所得
 如是等類是名現見所得相依止現
 見所得相者謂一切行皆剎那性他
 世有性淨不淨業无失壞性由彼能
 依處無常性現可得故由諸有情種
 種差別依種種業現可得故由諸有
 情若樂若苦淨不淨業以為依止現
 可得故由此因緣於不現見可為比
 度如是等類是名依止現見所得相
 自類譬喻所引相者謂於內外諸行
 聚中引諸世間共所得知所得生死
 以為譬喻引諸世間共所得知所得
 生等種種苦相以為譬喻引諸世間
 共所得知所得不自在相以為譬喻
 又復於外引諸世間共所得知所得
 衰盛以為譬喻如是等類當知是名
 自類譬喻所引相圓成實相者謂即
 如是現見所得相若依止現見所得
 相若自類譬喻所得相於所成立決

解深密經卷第五 第六分 善淨相

定能成當知是名圓成實相善清淨
 言教相者謂一切智者之所宣說如
 言涅槃究竟寂靜如是等類當知是
 名善清淨言教相善男子是故由此
 五種相故名善觀察清淨道理由清
 淨故應可修習曼殊室利菩薩復自佛言
 世尊一切智者相當知有幾種佛告曼殊室利
菩薩曰善男子五種一者若有出現世間一
 切智聲无不普聞二者成就三十二
 種大丈夫相三者具足十力能斷一
 切衆生一切疑惑四者具足四無所
 畏宣說正法不為一切他論所伏而
 能摧伏一切邪論五者於善說法毗
 奈耶中八支聖道四沙門等皆現可
 得如是生故相故斷疑網故非他所
 伏能伏他故聖道沙門現可得故如
 是五種當知名為一切智相善男子
 如是證成道理由現量故由比量故
 由聖教量故由五種相名為清淨
 六何由七種相名不清淨一者此餘
 同類可得相二者此餘異類可得相
 三者一切同類可得相四者一切異
 類可得相五者異類譬喻所得相六

解深密經卷第五 第六分 善

者非圓成實相七者非善清淨言教
 相若一切法意識所識性是名一切同
 類可得相若一切法相性業法因果
 異相由隨如是一異相決定展轉各
 各異相是名一切異類可得相善男
 子若於此餘同類可得相及譬喻中
 有一切異類相者由此因緣於所成
 立非決定故是名非圓成實相又於
 此餘異類可得相及譬喻中有一切
 同類相者由此因緣於所成立不決
 定故亦名非圓成實相非圓成實故
 非善觀察清淨道理不清淨故不應
 修習若異類譬喻所引相若非善清
 淨言教相當知體性皆不清淨法亦
 道理者謂如來出世若不出世法性
 安住法住法界是名法外道理總別
 者謂先總說一句法已後後諸句差
 別分別究竟顯了
 自性相者謂我所說有行有緣所有
 能取菩提分法謂念住等如是名為
 彼自性相彼果相者謂若世間若出
 世間諸煩惱斷及所引發世出世間
 諸果功德如是名為得彼果相彼領

受開示相者謂即於彼以解脫智而領受之及廣為他宣說開示如是名為彼領受開示相彼障導法相者謂即於修菩提分法能隨障導諸染汙法故名彼障導法相彼隨順法相者謂即於彼多所作法是名彼隨順法相彼過患相者當知即彼諸障導法所有過失是名彼過患相彼勝利相者當知即彼諸隨順法所有功德是名彼勝利相

曼殊室利菩薩復白佛言惟願世尊為諸菩薩略說契經調伏本母不共外道陀羅尼義由此不共陀羅尼義令諸菩薩得入如來所說諸法甚深密意佛告曼殊室利菩薩曰善男子汝今諦聽吾當為汝略說不共陀羅尼義令諸菩薩於我所說密意言詞能善悟入善男子若雜染法若清淨法我說一切皆无作用亦都无有補特伽羅以一切種離所為故非雜染法先染後淨非清淨法先淨後染凡夫異生於麁重身執著諸法補特伽羅自性差別隨眠妄見以為緣故計

我我所由此妄見謂我見我聞我覺我嘗我觸我知我食我作我染我淨如是等類邪加行轉若有如實知如是者便能永斷麁重之身獲得一切煩惱不住軍極清淨離諸戲論無為依止无有加行善男子當知是名略說不共陀羅尼義令時世尊欲重宣此義而說頌曰

一切雜染清淨法 皆无作用數取趣
由我宣說離所為 汙染清淨非先後
於麁重身隨眠見 為緣計我及我所
由此妄謂我見等 我食我為我染淨
若如實知如是者 乃能永斷麁重身
得無染淨無戲論 无為依止無加行
尔時曼殊室利菩薩廣讚佛誓世尊云何應知諸如來心生起之相佛告曼殊室利菩薩曰善男子夫如來者非心意識生起所顯然諸如來有无加行心法生起當知此事猶如變化

曼殊室利菩薩復白佛言世尊若諸如來 法身遠離一切加行既无加行云何而有心法生起佛告曼殊室利菩薩曰善男子先所 修習方便般若加行力故有心法生起善男子辭如正入無心睡眠非

於覺悟而作加行由先所作加行勢力而復覺悟又如正在滅盡定中非於起定而作加行由先所作加行勢力還從定起從如眠及滅盡定心更生起如是如來由先修習方便般若加行力故當知復有心法生起曼殊室利菩薩復白佛言

世尊如來化身當言有心為无取佛性善男子非是有心亦非无心何以故無自依心故有依他心故曼殊室利菩薩復白佛言世尊如來所行如來境界此之二種有何差別佛告善男子如來所行謂一切種如來共有不可思議无量功德眾所莊嚴清淨佛土如來境界謂一切種五界差別何等為五一者有情界二者世界三者法界四者調伏界五者調伏方便界如是名為二種差別

曼殊室利菩薩復白佛言世尊如來成等正覺轉正法輪入大涅槃如是三種當知何相佛告曼殊室利菩薩曰善男子當知此三皆无二相謂非成等正覺非不成等正覺非轉正法輪非不轉正法輪非入大涅槃非不入大涅槃何以故如來法身究竟淨故如來化身常示現故曼殊室利菩薩復白佛言

解深密經卷第五 第十三張 善男子

世尊諸有情類但於化身見聞奉重

生諸功德如來於彼有何因緣佛告曼殊室利菩薩曰善男子

子如來是彼增上所緣之因緣故又

彼化身是如來力所住持故曼殊室利菩薩復白佛言

世尊等无加行何因緣故如來法身

為諸有情放大智光及出无量化身

影像聲聞獨覺解脫之身如是事佛告曼殊室利菩薩曰

善男子譬如等無加行徙日月輪水

火二種頗脰迦寶放大光明非餘水

火頗脰迦寶謂大威德有情所住持

故諸有情業增上力故又如徙彼善

工業者之所雕飾末尼寶珠出印文

像不徙所餘不雕飾者如是緣於无

量法界方便般若極善修習磨瑩集

成如來法身徙是能放大智光明及

出種種化身影像非惟徙彼解脫之

身有如斯事曼殊室利菩薩復白佛言

世尊如世尊說如來菩薩威德住持

令諸衆生於欲界中生刹帝利婆羅

門等大富貴家人身財寶无不圓滿

或欲界天色無色界一切身財圓滿

可得世尊此中有何密意佛告曼殊室利菩薩曰善男子

如來菩薩威德住持若道若行於一切

解深密經卷第五 第十三張 善男子

處能令衆生獲得身財皆圓滿者即

隨所應為彼宣說此道此行若有能

於此道此行正修行者於一切處所

獲身財无不圓滿若有衆生於此道

行違背輕毀又於我所起損惱心及

瞋恚心命終已後於一切處所得身

財无不下劣曼殊室利由是因緣當知

如來及諸菩薩威德住持非但能令

身財圓滿如來菩薩住持威德亦令

衆生身財下劣曼殊室利菩薩復白佛言

世尊諸穢土中何事易得何事難得

諸淨土中何事易得何事難得得佛告曼殊室利菩薩曰善男子

子諸穢土中八事易得二事難得何等

名為八事易得一者外道二者苦衆

生三者種姓家世興衰老別四者行

諸惡行五者毀犯尸羅六者惡趣七

者下乘八者下劣意樂加行菩薩何

等名為二事難得一者增上意樂加

行菩薩之所遊集二者如來出現于

世曼殊室利諸淨土中與上相違當知

八事甚為難得二事易得今時曼殊室利菩薩摩訶薩白佛言

世尊於此解深密法門中此名何教

我當云何奉持佛告曼殊室利菩薩曰善男子

此名如來成

解深密經卷第五 第十五張 善男子

所作事了義之教於此如來成所作

事了義之教汝當奉持說是如來成

所作事了義教時於大會中有七十五

千菩薩摩訶薩皆得圓滿法身證覺

解深密經卷第五

解深密經卷第五

校勘記

- 一 底本，金藏廣勝寺本。
- 一 五一二頁中四行「請問」，**資、磧、**普、南、徑、清作「白」。
- 一 五一三頁上二行「是法」，**資、磧、**普、南、徑、清作「法」；**麗**作「是」。
- 一 五一三頁上一二行首字「依」，**資、磧、普、南、徑、清、麗**作「事不散亂依」。
- 一 五一三頁上一二行第三字「事」，**麗**作「事不棄」。
- 一 五一四頁上九行第六字「現」，**資、磧、普、南、徑、清**作「見」。
- 一 五一四頁中七行「者相」，**麗**作「相者」。
- 一 五一四頁中一五行「相故」，**資、磧、普、南、徑、清**無。
- 一 五一四頁中二〇行第三字「由」，**資、磧、普、南、徑、清**無。
- 一 五一四頁下一一行第三字「亦」，

- 資、磧、普、南、徑、清**作「是」。
- 一 五一五頁上一二行第七字「復」，**磧、普、南、徑、清**無。
- 一 五一五頁上二一行「先淨後」，**資、磧、普、南、徑、清、麗**作「後淨先」。
- 一 五一五頁中八行第三字「而」，**資、磧、普、南、徑、清**作「復」。
- 一 五一五頁中一〇行「汙染」，**資、磧、普、南、徑、清、麗**作「染汙」。
- 一 五一五頁中末行第二字「法」，**資、磧、普、南、徑、清、麗**無。
- 一 五一五頁下四行第六字「眠」，**資、磧、普、南、徑、清、麗**作「睡眠」。
- 一 五一六頁中一四行第一三字「苦」，**資、磧、普、南、徑、清、麗**作「有苦」。
- 一 五一六頁中一六行第六字「毀」，**資、磧、普、南、徑、清**作「數」。
- 一 五一六頁中二一行夾注中「摩訶薩」，**麗**無。
- 一 五一六頁中二二行第四字「此」，**資、磧、普、南、徑、清**作「是」。

- 一 五一六頁中末行夾注中「菩薩」，**資、磧、普、南、徑、清**作「菩薩摩訶薩」。